

和
1259
2



1259
2

二亭文編卷四

門人候官林佶輯錄


古體詩

春遊摩訶菴三首

微雲如媼娥峰嶺立鱗次幽尋即郊野山遠已愜意落花委清晨疎雨溼宿翠繫馬柳陰斜尋僧殿廬闕松風吹冷院憇寂吾所嗜

涉徑憐青蕪尋花悵細夢覽遊登故墟裴回感今昨荒庭步野鶴廢谿委石攬琴琴悲風鳴觀身轉靡託聲聞自狹劣即事動心魄

娟娟西軒竹生此祇樹林疎磬度寒翠時聞天籟音頗覺眾緣盡泠然清客心落景下遠堞孤霞斂夕岑回鞭



拂暝色歎彼歸巢禽

施愚山見寄長歌和荅

蘭珊夜雨雞鳴號關山夢回心魂勞我所懷思渺天末
涼風一起秋蕭條美人昔贈相逢篇吳綃三尺森瓊瑤
今晨曉窓坐展翫我欲報之情鬱陶憶昔相逢客京輦
城南華徑紛招要酒酣惆悵秋燈紅羨我鬢髮漆黑同
即今倏忽別四載頭上已有霜枯蓬眼前諸子幾人在
浮雲溝水馳西東萬事回頭淚沾臆人生朝露誰能必
楚澤難招宋玉魂緱山不返王喬舄指嘉裳西樵二子歌詞自
絕塵聲華爛熳今何益男兒七尺良可哀生存華屋終
黃埃儒術用世行已矣浮名寂寞何為哉不如放意遊

八極掃除文字桤淵默塵根未斷幽憂來相思茫茫江
南北

述舊贈胡海若

昔者在瑣闥下簾過春風給諫吾朋鄰接鄰視聽同寢
食襍銘慙文墨羅青紅尚書契祕解洞矚疏心曾兼旬
秉華燭往往連晨鐘君壯我年少意氣陵雲鴻翻飛却
垂翼頭腦非冬烘至今封事草烜赫動九重悠悠二
十年別君如轉蓬吾壯行及衰君復何豪雄託志在忠
雅夔契可比蹤功成思歸來與子尋赤松

題汪蛟門百尺梧桐閣圖

別館秀雲木碧梧散層陰高閣與之齊登茲靜客心映

上正文編卷四
二
簾出修枝開窓面平林清暉滿瑤席含情託書琴美人
獨晤言舉世難知音

送杜翰讀還南宮

二月急霰零微綠蔽春草飄搖離筵花嘉會苦不蚤生
平嬰世網簪紱自紛繞至人貴樂行所憂為其道炳燿
乾初爻觀玩可終老悵別盈酒觴贈言傾懷抱灑灑將
安窮已大萬物小古之英雄士進退凜師保時來樹功
名浮雲點蒼昊

豆葉

我家谿谷間隘陘硯田多細岑驅羸牛如蟻緣嵯峨高
秋、九月豆葉紛文加婦子散北野採擷窮烟蘿盛之
維筐莒湘之匪鹹醜菹之老瓦盆濯之清流河潔比金
甞露美如瓊山禾條枚感時節調饑發吟哦

贈于子龍秀才

天地大晝夜終古旦暮間渺然思洪荒忽已幾萬年子
夜及晝辰五時去翩翩堯舜適在已文明麗中天仲尼
丁我會日午今少偏炯炯青春遠淒淒草木繁天工窮
藻績聖道芟榛菅未過而成來人物皆磨鑄堯夫有此
語紮陽著之篇且娛圖書側聊想羲文前一息而萬古
不隨運世遷于生蚤契道謂予云之然

治家一首喻家僮

治家良獨難僮僕恣面欺文誠悵徒設鞭撻憐屢施我

之克已功訓化乖所宜每玩家人文嗚嗚無嘻嘻終然
悔厲集喜怒生妍媸我愛未果是我憎未果非渺然八
口多紛於將六師旨哉古昔云人固不易知何況天下
廣利巧爭芒絲謠詠工壹媚忠信經煥熾結髮已白首
那用相乖違感此諭汝曹愴惻垂涕洟

祝氏園同王幼華給諫汪蛟門舍人作

斜日秋城隅止豕如履綦念我為娛遊懷古心翻悲花
荒奉誠園草積平泉池食客一朝散朱門生棘茨昔者
場牧地高樓浮雲齊飛除通窈窕曲榭迂攀躋夜涼增
脂燭柔指彈哀絲迴豁激清風音響何淒迷椎牛擊肥
豕行爵正逶迤東方日欲出霜落凋華滋不見幽居之
貧賤甘如飴

為汪鈍菴作

聖路久充塞百家羣背馳弱齡謬志道中與夫子期斯
文映朝著每見慰渴饑高詞媿墳典渺論窮黃羲往牒
徒紛紛踪緒幸可追迢迢數千載此理不復疑傾膝接
誦說辟咻將焉師摻祛詎忍別抽簪去若遺江湖逾千
里日月垂十暮 聖皇重儒雅 詔使舉所知是時忝
從臣玉榻侍右螭下直金明門羸馬驅何遲呼燭夜草
奏晨謁前致詞為言此人賢邈焉超班資 至尊鑒樸
鄙耿耿勤 睿思每蒙再四問願見心則夸堯峰卧未
起敦迫煩有司若抱移疾志我懷將毋悲寒暄語未竟

驚喜翻涕洟倉皇聞閔凶號天失我慈青門灑血泣此
恨無津涯隴阡得書札報我還山時盛名不易居精理
寧淺闕行身凜尺寸涉俗虞磷緇大賢民所仰永言福
履綏

贈日者

學道無定力忽忽悲其生願得如雲翮振奮乘風行我
辰命在乙酉金來伏藏譬彼松柏姿徑寸遭殘戕園林
植弱木所喜隣春陽萌芽雖蟠屈節幹森微茫虛乏棟
梁用懼為斤斧傷間尋日者語聊寄標散情謂如月在
天雲卷三霄晴微纖不受污皎皎金水清我何落世網
婚宦相牽縈耽野向瓢笠識分遺簪纓輕肥恥蔡澤揮

手辭唐生

春日遣懷

人生誰百年一愁一回老愁斷還復來人老不再好青
春能幾時落花已堪掃夜窓盈觴酒暫輟憂心禱寄語
金閨人山中長瑤草

送吳孟舉還語溪

雪晴夜闌鐙花長西園祖席飛華觴風笛數聲迴塞雁
驪歌同聽是他鄉燕山城頭落月白罷酒登樓念遙昔
江上桃花春水生孤舟惆悵南歸客

贈施硯山侍御

北斗挂席銀漢橫秋晴炯炯明長庚遙思避馬棲烏地

錦燭華堂觴緩行丈夫五十如少壯努力清時致卿相
瓌璋大衡東序懸威稜喬木干霄上憶昔迴翔郎署辰
傾朝才調更無倫詔試明光傳奏草批荅淋漓 御墨
新柱史東臺分鈇鉞霜驄遙度關山月坐挹南熏解鬱
陶行經隴水聞嗚咽回首流光十五秋我初通籍從公
遊只今老大看如此公也聲華罕與儔 天子宵衣臨
玉榻對仗朝回趨入閣霖雨吹嘘遍野烟風雲指顧生
闔闔珥筆儒勛上景鐘猶龍異世繼仙蹤身有葛洪丹
竈術名成王掾黑頭公棲遲金馬看銅狄十五年間事
歷歷殿門執手繡衣人猶是當時好顏色

送孫古隍赴南靖

當時應詔蓬萊宮孫郎射策實第一紅綾分賜上三頭
榜墨中更臚唱日故事科名領石渠校書初入承明廬
不然翱翔郎署含香趨折腰手版胡為乎竭來詞賦遊
鴻都留滯山公啓事書未老馮唐顏色在豈應騎省鬢
毛疏萬事及覆浮雲徂人生意氣無時無一朝懷綬閩
天去驪駒躡春草色暮十載親闈奉檄歸版輿門外芳
菲路落日蛟龍江水深煙濤鼓檝鳴素琴縣道荔香雲
錦爛訟庭花合海風陰青衫皂蓋行春地急牒繁詞滿
巾笥虛左名王毒冒牀征南幕府樓船騎足令島嶼坐
銷兵炎荒盡處無烽燧天隅民社重書生漢家功勳重
邊吏君不見長安貴人簪華纓撫時坐論空深情朝擁

年其文編卷四
六
文書夕鞍馬羨爾騰驤萬里行

出守行送程使君之桂林

使君去歲當于役道出并州不十日明月關山塞上樓
長歌為報長相憶使君今年出守行翩然五馬西南征
一別青門無近遠况爾迢迢萬里情吁嗟往事重回首
舍人供奉金門久校書我在日華東橐筆君隨丞相後
紫薇典故問西廳鸞紙詞頭歸大手窈窕清禁步逶迤
欲出徃徃呼曹偶長安水樓三月時畫簾柳影青交枝
御溝殘紅引吟興草橋暮雨同衿期自從輟直承明殿
畫省回翔阻歡譙飄零海內賓朋稀經旬不覩故人面
雖不覩故人面跨馬城南走相見火雲突兀山崎嶇五
嶺炎熱愁人心君今朝辭燕嶠日夢魂夕到湘灘潯君
不見劉蕡上書翻見抑同時數輩無顏色李廣難封數
果竒延之出守情於邑丈夫身為二千石通侯爵印唾
手得行矣風塵須努力獨有別離心日夜隨君去蒼茫
百粵烟巒深相思江上相思處若過橫江見李卿李公永福為
道新知不如故

書張滄溪畫花鳥

山北山南春十里兩岸桃花夾谿水畫圖相向春風開
山草山花紛未已水漫漫芳山蟲蟲張侯邀我題畫尾
問侯胡為獨閉門巖檻冥冥花氣昏水禽陸禽各相命
千樹萬樹春風翻君不見張侯昔日官滄谿邨邨花柳

流鶯啼秋錦山前紅溼處至今猶憶海棠窰

照鏡

多照湖州鏡容華能幾時霜風吹暮雪短鬢怯成絲此
夜關山月空懸萬里思

萬泉寺二首

野峰青巉巖濤瀧或相似北遊慕江湖睨眴久非是塵
沙激箭鏃聒聒困人耳眼明柳邨樹草徑披烟水落雁
隨綠波放鴨逐紅蕊輕濤不容楫濺沫纔濡軌空陂自
擊撞枯荷鬱填委渺然想滄洲駕颿涉涯涘
寺門落花時泱泱流泉注我昔遊南邨小北柳夾路馬
簾颺迴風帽簷岸斜樹豁然登土城坳垣慄晚暮濁醪
蕩羈情殘陽窘野步禁鑰下急符昏鴉屢相赴及茲頗
放浪悲樂亦更互且復遠吏舍無妨日歌呼

為王黃麋給事題戴蒼五君圖

黃門逸氣空雲烟翰林風度豪且妍舟次眼中兩人吾所
賢餘子意態皆翩翩摩挲久視心茫然羣游憶昔城南
園禹生畫我黃門間蚤衰影入秋毫顛我為生誦蘇公
篇潞州別駕電目懸浩然吟詩肩聳山饑寒富貴雲在
天髣髴圖畫空流傳人生是幻繭自纏童牙華髮俱可
憐不見戴蒼寫真年黃門顏色得似前

和子瞻飲酒四首

市朝通相欺幽獨娛吾真自非飲者流百感危其身蕭

然杯觴進宛爾顏頰新指口但此物掉頭謝時人
我生命在天舉杯屬雲漢疇能卻老病聊用緩憂患幻
影悉破除風霜一銷散夜長忽復醒愁來每投閒
少寐甘獨眠枯腸輟夜茗嚶嚶晨雞鳴映映鰓魚醒今
來紅塵中頗涉黑甜境所幸肺病蘇一杯還酌酌

梅蕊忽在眼蕉葉時露唇自識瓮頭味不數梨花春英

英林開府此事功莫鄰空傳梅麓翁白首為波神

林開府家有瓮

頭春酒世傳河督朱公為河神

夢松歌寄素心

前年百鶴阡種松宿山家去年客京洛兩見寒梅華松
小隔北隴人老長天涯我生一飄蓬翻如繫匏瓜夜夢
過石閣明滅隨陰霞山僧色冥默問訊松如何旅魂知
歲寒鬱鬱霜中柯流風響深谷疎影吹交加龍雛無岸
勢蒼然鬱爪牙對面天馬山高樹聲相摩歸來關塞黑
林木猶紛拏殘鐙記往路別淚落滄沱得句如春草為
此夢松歌

十二月二十六日湘北貽上幼華蛟門見過用東

坡饋歲別歲守歲韻三首

為客心久孤踽踽孰予佐冠蓋富烟海取友譬權貨錦
衾混短褐物豈在細大以茲寡歡遊窮年掩關卧至竟
二三子邀賓必在座東風迴龍杓西日遁蟻磨別時已
屢多歲闌詎重過相對各衰鬢陳迹留賡和

歡多歲易速愁多歲易遲我今既不樂歲往焉用追載
賡別歲吟與子俱天涯城南菊花候水亭楊柳時江東
有歸客尊美鱸魚肥謂若人生聚與散念此能不悲舊

歲及舊人去去長若辭歲去還復來人老終就衰
歲宴方羣蟄吾道如龍蛇天運有節宣存神以自遮但
可勤飲酒苦志將如何空堂久蕭瑟今夕同笑譁巾車
既投轄櫪馬且置搢生涯須爛醉暮景亦太斜座中汪
舍人少年未蹉跎豈惟爭一歲一日猶可誇蛟門長子一歲

蛟門見和復次前韻三首

邈矣燧人氏實始命四佐譬彼構廣厦程材市其貨匠
伯引繩墨杗楠中細大蕭蕭櫟社木輪囷空偃卧誰能
為犧尊青黃光在座同生天宇內如蟻共在磨來風一
披拂沃若青陽過請君聆此歌意卑非寡和

騏雁績繳疾羅鷲鼓祗遲黃鵠遊萬里一舉何能追井
翅笑東海鱸鮒安津涯長蛟在泥滓雲雨貴及時丈夫
自齟齬奚能事甘肥一齋食海鳥顧視增憂悲耻洋見
渚崖漉漉將焉辭願為逍遙遊無使翎羽衰
駟不及吾舌遂為添足蛇茹之則逆已吐之誰可遮不
知汪夫子背面謂我何六街漸鎔火兒鼓已競譁且為
犀首飲不學漁陽搗君看如省月清影又復斜良辰難
合并一笑無蹉跎吟詩自喁噏軒輕謝眾誇

人日雪宿左掖用坡公聚星堂韻

春氣涉七莫弄葉魯陽戈迴六瓣雪花神作意爭日時
青帝行空渺愁絕掖梧弱枝不勝寒苑松老榦渾欲折
斷續銅龍漏有無離披鷓鴣光明滅細草應知兔跡深
錦鞬乍見鷹翎掣坐憶屏窓隔翠微生憐綾被滌紅纈
已堪羈夢溼如雲賴有清言飛似屑閉簾免睡何陰森
孺童試問還飄瞥千秋出守杳流風十韻強哦供笑說
雖無玉月巢李梅用意宜如金點鐵

夕垣與南溟容齋

夕垣鳥啁啾棲樹求朋行而我悵文友相逢如面墻曹
署豁野性二妙同疎狂名理按陰語幽賞娛中腸東除
廣以開曉暮接一牀自吟各有以妍媸非時妝刻燭驚
奴不知老鬢蒼蛾着弄新影所惜在景光

同南溟湘北春宿左掖聞貽上將至用坡公喜劉

景文至韻迎之

平生晝眠驚相呼謂言數子不滿隅歷下髯王久不見
以今如髯天下無俄而起舞忽離立問言不答歌夫夫
汝知斯人有真賞何論醉倒蛾着扶同時聚集者三子
張公九尺美鬢鬚為人風義好文藻亦云此理良非迂
蒼龍奮蟄烟景媚萬象品物皆昭蘇星光下燭耀衆采
誰能謠詠驚彼姝我顧二子發長歎碧山差樂寧負吾
髯兮與爾俱白首扁舟可載終江湖

放歌再用坡公韻

明月在窓誰與呼數枝風竹鳴牆隅先生宴坐百不思
更鼓未起人聲無三旬九食天所病霍然中夜歌可夫
絲竹不解作陶寫藥餌頗賴相撐扶銅鏡顛顛已上面
更堪揀摘霜鬢鬚敝屋青山何太晚殘經白首正坐迂
得向淺澹取押韻哦詩漫浪非和蘇朝餐暮卧聊爾耳
雖百年活豈復殊先王道在古聖遠茫茫天壤乃有吾
明月與汝生為徒隨風一棹遊江湖

雙鐙檠

雙檠便且光雖雙同一足量之尺不盈夜夜棲雙燭雙
燭照殘書開卷愁已續揩摩老眼困一字屢詰曲念昔
年少時六籍高閣束時文侮聖言譎語中流毒背人探
一冊未盡若嗜慾羣童守師說每見遭誚辱及今半百
識炎冷豈同俗閑退轉益親雙檠對相勗單檠不努力
徒待華顏但寄語少俊生檠燭寸如玉無為牆角棄此
義韓公告

書于韋雲所藏幃慶仿王摩詰晴川覽勝圖

丹青亦小藝粉墨留終古華纓走黃埃過眼誰復數藍
田老畫師生綃在何許歷歷晴川花翳翳淨初吐正恐
隨春風飄零作紅雨

祀夜壇門呈張南溟侍郎

凍鬢呵復解滴衣如溼雨殘夜月逾明天寒翳更吐風
枝鳴幽禽藉草命徒侶是夜冬節長坐久數更鼓引氣

溫丹田聊以救疲苦老面新多紋
鬢冷手數尋我本田家夫日出事
畝畝故嘗把鉏犁所願畢雞黍請
看兩鬢絲量力守環堵

虎坊南別墅健菴招同西溟竹垞燕集

掩關過春風吟謳害寢食朋遊豈
不佳舊故頗道匿類別微尚殊嬾
性况偏側夫君磊落人二子不雕飾
折簡呼相從高樓展顏色檻牖俛遠
林尋尺納衆域野桃斂纈紅壇樹積
鐵黑杏窳初來徑欲記自閔默廊迴
惜行深石危訝步仄羣巒像犖學交
檐解倚踣飲酣屏惆悵語謹露挺特
外俗誓早捐幽清幸兩得懲忿除咿
幽為樂爭畧刺虛亭改斜影昏鳥接
歸翼夜魄棲空窓醉歌

官有臆

同健菴竹垞登黑窰廠高處讌集

吾曹文字飲同遊無擇行虎坊南
尋春龍潭北探勝北臺風搖搖所貴
豁野興空濶不礙日四天垂欲竟峰
堆衆嵐昏水漾一波淨日下松壇陰
深碧鬱交暎俛仰乃自適飛躍各相
命夫君獨棲棲曷不師尼聖刪述志
千秋反魯樂則正吾歌或可夫安能
獨無悞亦有木強韓窄韻長詩稱嗚
乎敢望公窘曲押競病

豐臺看芍藥

東方射窓一寸白殘夢猶為看花惜
玉街清酒隔夜沾提壺喚起驚僮客
豐臺花盡芍藥新狂香浩態愁殺人

黃金買醉不快意與君空負頭上巾

次韻宋穉恭兼寄孫止瀾

磊落同歲生吾愛孫射州聖道雖浩邈志士耽林北
寄詎不任避榮追前修五年三請急歸必與予謀斯
在草澤才俊勤羅搜宋生清門子偉眇俯匹儔矯矯
父風弓箕傳吳歐高情慕篠簜簪塵鞅辭由求洪河
方奔決誰輓滔滔流結駟誠漫浪枕石亦繆悠時潛
或樂行試上金閨遊問知射州信神往不得休皇天
老眼明月雙瞳眸胡不照幽清痼疾紛相繆牀第困
此人恐為衆士羞取友必豪賢可與學孔周宋生父
子間逸氣橫霜秋淮水出桐栢近為禾稻憂忍憐
窮古書吐氣卻橫案芒刃終不頓日久無金牛生
觀上國光我欲棲汀洲逝將遠悔吝寧獨嫌偃偃
閑為秧馬歌或與漁者謳因風寄故人此意誰為
優故人昔喜酒為我傾一甌回頭謝世上不知蘭
與蕳

送穉恭兼寄尊甫射陵先生

鳳鳥千仞翔遺音渺八極麟角世亦稀見之渾未識
宋生名父子清流展物色淮水行舒舒乃出桐栢側
金黃露高潔朱絲絃正直壯筆戲海鴻野鷺豈茲得
欲作錦衣歸不願龍巾拭先生山嶽姿亦復弄毫墨
寄我空中書千秋石不泐臨風景豪賢絮語不能默

送張南溟侍郎還京口

離堂起蕭瑟絲管淒微風夫子秉遐尚高揖辭群公結
 歡二十載往往連孤踪餞酒不能飲淅波盈樽中揮
 且勿道會合安所窮潞河雲水清倒影秋花重殘月
 海樹芳蘭靡汀叢江樓繫烟艇晴日天冲融隴岡盤
 目作鎮金焦雄采秀玉蕊亭鐵瓮森芙蓉長笑青雲
 別久巖戶空他時或相訪騎鹿茅山東

送徐健菴尚書歸吳門

青春帝坐傍紫垣明一宿尚書森寒芒璇衡相左右公
 真天人姿神寄遼巖岫九重念別深三接動連晝
 膝語不聞宮壺每添漏寶牀扶龍鱗華茵暎鳳味
 鬚墨猶溼鑪烟裊歸袖南窓驚齊章東華問門候
 朝禮賢臣歷古不一觀公其愛玉體名在金甌覆

聞道

晚歲得聞道懶不復吟詩今茲理藥餌因病多閑時呻
 吟秋蟬聲斷續春繭絲知希則我貴綺麗安足為古昔
 賢達士陶白良可師以我觀二子猶未掀藩籬不免文
 字習恐為聖者嗤今之雕蟲人聞此必反訾而我欲無
 言溟濛順希夸

新年

新年塵事靜歌笑亦已闌啾啾罕雞聲空簾風攀翻人
 生渺滄海一波幻影閑得此且為樂不慕天上仙海波
 本無意隨彼春風還仙者多畏忌竦息蓬萊班花開青

綺窓酒半生朱顏看花酌美酒與子娛新年

新年送別

曉駕午在門離堂語難久君歸愴朱顏我留傷白首微
霰欲成花輕煙未着柳長恨送別心不在春風後

燈夕醉歌示廖樊兩生

東風作寒波泛酒出遊不如杯在手六街塵土吾所憐
萬事沉冥翰笑口眼前物態輕鴻毛閉門明月春天高
燈火如山坐如塊醉歌亦復尋二豪西樓烟窓寂如此
有酒盈樽呼不起玉京仙人騎鶴還午朝碧落暮三山
謂言汝曹酒謫仙即今不飲空百年

行廬贈張上舍琇瞻敦復尚書猶子也

行廬周微垣素鈴連禁筦張公江海姿魚帶必雙維
牀非浩然伴直得小阮森如玉樹質會是竹林選釣車
吾方營刑柄詎當攬謁謝上東門經過華陽館瞥然見
公子耳目頓清遠野花紅始然園果綠何纂山鳥嚶其
鳴林風冷逾善欲別上馬渾垂鞭不覺緩

醉眠對月放歌

落日已遠烟霽淡三兩星宿森出寒頃之月出庭南端
醉卧短檐天如地咫尺不疑星漢遠放眼那覺關山難
玉京金闕隔何許蒼吟驚絕難攀緣黃帝乘龍所躡路
微茫陡絕一髮懸萬許之徒可詫異白晝直上携飛仙
沈想此事心如顛使我竟夕不得終歡顏洗醖更酌酒

蕩滌萬古愁寂寞此形骸昔人無良謀堯舜之名如浮
漚秋風蔓草繁荒丘歌終渺渺增繁憂

錢宮聲松屋圖歌

春風射策明光殿玉勒躡花共遊宴風塵瀕洞歲序移
十年不見錢郎面江路漫漫江水深携畫遠涉時悲吟
東華輭紅沒鞍馬秋城寒山勞寸心歸來細視松十尋
長風謾謾吹衣巾蒼濤翻白日出窈窕為我開深林
青山空濛落瀑布石痕杈枒水洄沍流入萬里之長江
遊龍行天挾煙霧錢郎錢郎何為鬱鬱久居此舊隱如
斯不歸去君不見昨日東園花夭桃穠李空霜露天寒
歲暮百卉凋惟有青松尚如故古來材大非偶然坎壈
豈受時人憐

京東贈張玉田兼寄張廣寧

京東至陪京郡縣連亭障文武吏士中所見或冗長千
里得二張每念不能忘玉田楚才士風操鬱清壯夕陽
城西亭接語領微尚使署開早花窓月暎帷帳客路後
夢魂憶子頗神王晨別燕山側黃雲迷背向回颺蓬
垣驚濤鳴瓦盜行行灤江濱秀色稍奔放十日見大沽
長城亦殊狀關門野雞鳴方軌狹而妨豁達忽無際天
開眇空曠相顧徒侶單邊心增惻愴竄墟想人民戰
取將相軍壕委白骨蔓草甘所葬經過狐兔踪豺虎步
蹇亢半月抵醫閭縣令非漫浪廣寧昔重地亂後色凋

喪祀事亦孔明經營到纖纒萋萋木葉山陵土豈無恙
並馬行東路鴨江引春望窮塞得鄉彥精意矧神諒
生足跡窄茲遊已云暢寤言懷二子浩歌樂沂悵

角山贈程淄川

昔我出關東登望關門樓羣山連波濤騰滿天龍遊
城為鱗鬣角山為舌喉尾蟠荒陬外首注大海頭
冠山巔步欄俯滄洲程生傑雄人翱翔夫舊止蓬萊
方丈眼底自拍浮縹緲三神山脫躡萬戶侯奚為客
京輦遊戲驅羸駟關樓留我詩君歸試一謳

喜雨

久旱氣始潤五月生新涼霧宿林景碧雨過斜照黃
夫知黍豆色已覺花藥香京城百萬家糧艘仰四方
小人習獄市朝宁憂農桑昨者下詔書切責在官常
委職操文墨忼慨中徬徨高雲閉赤日太白晝遜藏
今當見開霽青空絕纖芒理數相感召天心為低昂
乃知帝好生此身逢時康

晚眺贈吳玉隨編修時移居東鄰

橫絕城頭山放眼不到地蒼然百萬峯杳杳落檐際
雲樹無雨色天嶺但一氣連緜亘明霞岳谷積空翠
城中端居人戶牖分遠勢荒庭稀遊從長夏寡人事
山色時來短檣得羅致喜我素心友巷南新移至
雖未晨夕俱客情覺中遂焉知君看山非我看山意

即事憶山園

陰雲滿中閨曉露泣金井種花三徑荒落葉萬山靜
玉巖流淒響錦禽弄孤影歸來早關關水樹歡朝景

聞雁懷張公事

陽景翳飄風孤雁行且吟不見過庭影空聞天外音
之子渺江渚悠悠春水深新裁一書札遠寄南飛禽

月下懷樊葦村

門掩春院月無人與我共娟娟照庭樹花落影遙送迴
飈懸砌陰含煙嵌窗縫清冷閑七絲思君聊一弄

午亭文編卷四

男杜履恭較

午亭文編卷五

門人候官林信註

古體詩

立夏氣始至贈湯潛菴司空

立夏氣始至晝日昏昏然歲月真白駒悔吝成華顛歎
恨晚學道欲老今衰頽先生玉潤姿眸子瞭且妍修辭
寡則要妙理無支繁物我通冥悟冲和相盤旋對之心
融釋追徃徃險艱景光不肯留此日足可憐別後三數
晨示我以文篇浩浩河江流濔濔星宿源聖路久充塞
百家翻狂瀾誰能芟淫詖默識天無言遊心墳索外歛
精義皇前誓將奮遲暮矯厲思孤騫

瀛臺進講贈孫杞瞻學士

歷歷河上柳宛宛城邊路夜短難始號月出天已曙驅
馬瀛臺門神居渺烟霧玉繩低繚垣金波耿迴渡屢修
獨對辭一邀重瞳顧湖州真人秀看心膽露上闕
羲軒文下浙王霸務至尊時霽顏鄙儒謬學步荷風
翻縹緗鑪香裊章句終恐徒冰兢感激愧恩遇忽復
秋風涼疎雨滴瑤樹

破屋行贈葉子吉侍講

破屋不任葺四壁空嗟峨夜半風雨至屋漏成洪河漂
搖增籛憂夏秋連濁沱崩騰奪視聽耳目被傾邪詎惟
錯昏晝實恐陰陽譌重茅卷驚滿餘花委迴波空梁燕
雀飛蝙蝠伺其窠禽鳥饑為身所見理則那黃鶴翅翎
溼亦如嬰虞羅悲鳴欲有訴翻懼彈射加偏側南巷士
移居近西家書籍正捆載瓶罍亦紛拏君如遷喬驚我
如槃室蝸破屋雨不止壓覆將如何感君有同患寫意
於詩歌

御府藏翰歌

時上御乾清宮召臣賜觀名賢法書越日臣為詩以獻

聖皇稽古典制作覃敷文命流荒朔玉榻引近親儒臣
縹緗羅列探祕閣書法無過王右軍淋漓寶墨今尚存
龍跳虎卧在眼底置身鳳闕當天門草聖昔時誰獨步
漢有張芝唐懷素長沙自言得三昧快筆風颺與神遇
平原大節何嶙峋端人正士儼垂紳世人學書工側媚
塗飾形貌無其真五代以來推趙宋看山作勢看飛動

大海紫瀾波濤雄琅玕碧樹枝柯重米家書畫滿載船
字跡逸宕尤爭妍近來董王皆自出翰墨風流天下傳
考亭樂道亦游藝縱橫妙得蒼史意頓挫盤盛勢最奇
行空天馬羣鴻戲其餘書者紛紛多承旨秀出誰能過
東晉遺法宛猶在戈鋌波磔含冲和數卷蛟螭盤玉軸
名家豪素藏天祿寶篋開封近 御頻光華偏入 重
瞳日丹青涕几鑪烟浮 宸章五色兼銀鈎神姿結構
世無比落筆萬象風雲收 至尊宵衣偶揮灑負絕天
巧非人謀允惟 睿聖超百辟生知好古而敏求

中秋此瞻送酒

去年登樓風雨夜肺病不飲杯空把今年明月夜登樓
有酒無病心何憂湖州學士猶記某遺以香醪可一斗
開瓶傾寫清光來醉舞狂歌迴白首卻憶西清風露涼
殿門帷幄靜高張影娥池畔金波月曾照携書近
御牀

夜行

遠樹啼荒雞秋城滴疎漏起坐夜方宴獨行念如舊寒
沙草色微殘月人影瘦韶華去已遠朱顏不可又千載
笑子雲投閣寧自救

夜直懷此瞻

窈窕洞門夕持被入屏營周廬爛官燭列宿搖空明民
巖近崇高夜久宮漏清皎皎階月淨漠漠池水平羣居

寡所諧獨處懷友生晨朝陪經席鬢髮添霜莖

韋蘇州詩書後

我觀韋公詩澹然生道心鮮食冰玉潔浩歌流清音疏絃下衆響繁手聲方淫誰能追大雅辭多吾所箴

昔遊贈衛慎之明府

昔遊灤江上落日弭輕榜浪花映園蘚魚泳出浮響薄雲邀旅宿孤霞駐清賞沙邊桃花邨野徑散遙想君今鳴琴暇遺踪一相訪

秋夜

凜凜天氣變冉冉時節違明星帶檐樹淒風吹荆扉秋夜何漫漫寒幃伺晨晞黃葉旦夕賈鴻雁東南飛萬彙思本根吾生亦何依運還感物理時往悟世機空軒獨寤言積然如委衣

歲暮

崢嶸歲華臨欲滿一如寸寸彎強弓十年往迹宛在眼艱難默數風中蓬流光袞袞奔輪裏暮景飛騰已如此有酒且飲酣且歌萬事無憂亦無喜天晴斜陽窓雪明紅梅薦縣蕊半委何處紫芝與石髓濁醪此中有妙理世上紛紛焉足齒

廳前水石

怪石誰所作開池俛前窗其上想北壑其下觀湖江輕風澹微波藻魚自擊撞颯然風雨至流聲亦淙淙念此

一曲水不殊萬里瀧時節逼炎燠即物心屢降

移居別庭前山石

東書遊京國廿載無一椽僦居胭脂巷怪石羅堂前僻
性寡朋侶對此情孤騫落月偏曉勢斜日迴遠烟春花
不岑寂秋樹相連娟閉門長兀傲隱几舒沉緜有時因
塵鞅芒角遭磨鑄茲石不改色專靜無尤愆蕭條別汝
去况復當殘年回首風雪夜幽夢遙相憐

流求刀歌為汪舟次作

大夫得志為雲龍搏服蛟兕羞雕蟲歸來畫笏奏天子
寶刀拜獻明光宮餘者虎氣亦騰躍拔鞘漠漠生涼風
滄波險絕窮髮東乘槎使者浮空濛圖書裝輕不滿篋
碧花鑄錯青芙蓉含霞飲景霜鏗動方口斫地如渴虹
麟角鸞趾詎所觸剗割暴猛蠲妖凶古強入山豺虎逸
方平獨卧鬼物空豈似此刀光熊熊大食日本皆提封
三金合冶紫烟重海日鼓橐波雲紅洮鴨綠石不受礪
雪刃凌亂神鼇峰東方侏儒飽斗粟昔者賜出鷲鳴鴻
君方入侍禮遇崇身挾日月乘天風遠人脫贈意有以
斷金切玉理則同沙場此物久不試來庭文齒兼穴曾
禁中頗收揆翰藻搖筆辟易千夫雄清畫造膝三數公
英盼徃徃迴重瞳男兒致身有如此况值威德兼黃
農試看渭叟鼓刀者干戈載戢橐強弓

夏夜

朱曦晝晷長入夜絕衆緣撫枕獨不寐危坐臨前軒自
非蚤聞道奈此百感纏風埃苟不興水鏡良復然朗月
生竒懷皎皎光輝妍易簡澹自足何為紛險艱以茲頗
念世人誰金石堅

問蝗行

六月八日蝗暮飛紛如接翅昏鴉歸忽欺斜日夕影亂
漸掩列宿寒芒稀汝曹瓌瓌行醜惡能令天宇沈晶輝
昨者朝宁下明詔憂早問蝗何因依公卿不語面平
視或舉五事及細微某也昂首矯奮臆上言主聖臣
職違下言小民吾根本三時勤苦終歲饑長官鞭笞吏
卒怒但向公府供輕肥夏秋稅糧分應爾緩之數月穀
庶幾自知無有大裨補傳聞此語是耶非天心至仁諒
無他涼雲吹雨蠲煩苛傾注四野蘇黍禾蝗欲下來愁
奈何吾言不中理則耶

題禹尚基自寫真

禹生靜者懷孤騫搖筆風雨落屋椽雨收風止萬象寂
海霞島日相澄鮮丹青好手衆所憐幽樹卷石皆娟娟
水邨之圖世最傳禁廬一見心悠然集賢學士共嗟賞
瑣窗晴晝生雲烟生也此圖儻水邨神妙意若無王孫
更自寫真著蓑笠便欲漁釣歸柴門王孫遭時昔多故
齒豁頭童不歸去丹青猶有身後名富貴真如草頭露
生方年少豈長貧奮飛一舉陵高曼

錄別二首

皎皎明月光照我清夜牀欲寢不能寐攬衣起徬徨羈人思萬里各在天一方雙雙兩黃鵠中道陵寒霜羽翼一以乖河漢遙相望

北風吹河梁明星隱歷歷悠悠征馬嘶驅車將安適白日照東隅黃沙揜行跡念我同袍人高舉奮羽翮離顏如卉草霜露忽復易時節已晚暮窮賤竟何益

出門

十日嬾出門萬事何叢殘事如風中花心如古井瀾飛花投墮水井瀾寐不起此語解書紳時行而時止

浮山和敦復時在直廬

我聞浮渡山欲徃情蕭騷瑣窓閉晴晝寫興于詞謠崑崙忽在眼飛薄如奔濤石罅架可數一一穿青霄空靈駭瀕洞倒側疑簸搖琴琴長風聲萬竅皆怒號中有千載雲出岫不可招蒸嵐自通透濺瀑巧適遭真宰工刻鏤無乃用意勞卓犖龍眠公嘯詠冠偶曹鳳鸞在巖廊猿鶴空林臯斐然繼有作聊足以自豪

夏日遣興四首

幽居卧青林白日不得晚語默失端倪情欲爭舒卷不如捨之遊寓目成登覽昔者古幽州平沙曠浩衍飛甍何參差引流亦宛澶此中英雄人朽骨疇可辨茫茫六合間人命何能追誓從今日後悠哉謀獨善

西日既隱山餘光樹顛明赤雲帶連岡綺霞散層城虛
檐交微風當窓落青冥林景稍一動翛然烟磬聲寡欲
性有託息慮身無營大雅久寂寞苦吟誰見榮勳名苟
不立章句老此生

依依見新月下照古時城古人對新月應如今人情列
星初爛熳滅燭何杳冥河霧宿近樹竹烟羅前楹風鳴
弦素響夜靜吹玉笙閱世樂幽獨外物身崢嶸有酒起
自酌誰能關浮名

我家蓬室士田牧東山椒山家閑歲月即事以自勞水
碧日照色麥黃風翻濤西莊邀社酒東鄰饗魚羔端歸
方三載行遊違林臯中情異絕裾吾生希挂瓢解愛五
十言日玩乾初爻志士陵鴻鵠小人爭牛毛遯世以無
悶託興長消搖

洞陽山

我家太行盡處邨蛟龍欲落留爪痕蜿蜒腹背故隆起
振鱗掉尾如雷奔波濤隱見吞萬壑似覽衆水窮河源
古稱上黨天下脊茲山拔地尤騰騫俯視砥柱一卷石
析城王屋雙杯樽頗訝大禹所經畫足跡未到回南轅
徑下河濟急疏瀹北顧參井高莫捫乃知龍性躍天漢
肯同蠃蚌尺水渾太行以南多峻山地勢愈下難並論
茲山何不列嶽鎮使我歎息增煩寃何為歎息增煩寃
萬古無害茲山尊

開元鐘

後唐李嗣昭守上黨勝梁範銅為鐘在開元寺後置元妙觀

蒼茫陵谷開元寺古鐘猶帶開元字尋向桃花觀裏來
鐘聲依舊浮空翠此鐘流傳自後唐誰與作者李昭義
黃塵清水變須臾鬪雞小兒聊角戲昭義此時亦人傑
屹立孤城下無地夾寨重雲鳥不飛余吾殘營白晝閉
流矢拔足客不知血暗淋漓痛劈臂龍驤神捷等沙蟲
銘以蒲牢毋失墜生子當如李亞子進通忠孝先王識
我恠歐陽傳五代嗣昭持書多可紀當時亦有劉義叟
飄零頗恨文章蹟今我來觀開元鐘與客談詠梁唐事
更數百年歌者誰鐘聲未歇聞歎喟

冬日雜詩四首

雪後落照紅陰風黯中夕蕭條關塞情杳然生咫尺念
我故鄉人同作他鄉客冰堅蛟龍深山長鳥獸寂戚戚
傷精魂悠悠阻筋力寒鐙閉門時明月照但鄰

流風舞迴雪飄飄盈客衣連雁去安極路遠何時歸含
情掩房闥憂來不可揮觸物悔吝集觀身色相違達人
慎其端託想謝危機擁衾抱霜月四壁生清暉

仙人王子晉霞舉陵太清緬想鍊金液呼吸獵至精所
以緱氏嶺時聞吹玉笙逸響久歇絕誰聆空外聲徒令
千載下寐莫傳其名

少負英邁氣索居逃人羣偶然事詩書遣情遊天雲一
自落世網昏宦相糾紛起舞擊短劍忼慨雞鳴晨流浪

時忽徂三十無令聞空名竟何益心懷難重陳

東岡獨遊

亭午風日佳陟高循前澗石古徑杳冥溪長水清淺巘
中熏疏蘭汀曲蔭蒼蘚臺行既修迴樹坐乃幽緬挂蘿
弱可捫落花夕愁踐懷古事豈殊人往跡空顯依依楊
柳華萋萋葛葉展時序催物情悠哉誰與遣

東岡同子弟及張王二客

樊川羨風日羣遊陟東岡少長各異趣曹偶森成行張
卿頗解事王郎興亦長子姓復朗拔矯矯凌雲翔伊余
少欣悅頗恠鬢髮蒼叢祠晚雲薄哀歌何激昂遲暮賴
陶寫此意成悲涼登高望古城墟里烟微茫俛仰已今
昔塵世鬱中腸寄言少俊人及時為樂方

空山

空山悽心魂中夜四五起僚慄天蚤寒悲風鳴不已六
月草閣涼况乃秋節邇窓月炯殘明壁燈凝暮紫稚兒
睡爛熳倦僕坐觸抵人生雖殊塗勞逸本一理念我徒
自傷多憂應爾耳呼僮使之卧抱膝當隱几

石閣晚眺

山高墟落出社鼓晚欲歇林陰暝色來邛燈見復沒獨
立聞虎風小步蹋松月羣動又已息幽尋愧倉卒農人
夜早眠鼾睡侵卧榻更多秋蟲聲仰枕兩耳聒誰與寫
愁憂野宿寄傲兀。

返舍留三日復往石閭

秋風前日來我亦薄言歸雞鳴發山館日高到紫扉寄
跡如飛鴻爪雪相因依一墮泥塗中膠擾森重圍算口
計米鹽將老生事微兀兀困細瑣愁卧至夕暉開我所
居室凝塵蔽敗帟拂拭愴孤懷坐念百事違明鏡饑鼠
竄昏院蝙蝠飛妻子可脫履身世真馬鞵吹笙憶子喬
化鶴思令威感此捨之去聊用息吾機

秋日往石閭

捨策涉險艱窈窕窮清秋溪流沙徑細草長荒陂幽日
高臨往路亭午涉遠北舊居渺蕞爾中有萬古憂返躬
集悔吝閱世紛愆尤迹心逾危懼俗行且休遊戲采
芝藥芳序忽已邁叢門不可即徐生入海求仙者良冥
漠塵埃難久留何得奮翎翅遐舉陵滄洲

思母菴夜雨

空山夜雨秋浪浪危樓夢迴衾簟涼我今獨來神黯傷
千憂萬恨堆心腸雞鳴窓白雨不細睡鄉避人亦避世
長松裊雲烟漲谿杳杳人踪門晝閉陰黑睡起疑日中
山前山後雨濛濛去家十里信不通山澗水滿岸路窮
前日我來秋風淒今日欲歸秋雨迷人生聚散隔風雨
蹇驢卧鳴僕評語前日日晴不肯歸薪芻雨阻人驢饑

樊川東岡寫懷二首

伊昔少賤時志在泉石間高步謝時輩遊射窮谿山隱

年華文錄卷五
遯事不集挾冊謁 帝闕晚昫公卿側跌宕文史班歸
來忽華髮壯日不可攀陟止感舊跡照水羞故顏南山
獨尚爾蒼翠橫烟鬢安得遂雲卧仙侶與往還
謝客慕張邴乞身不待年嵇生愧嚴鄭樂道欲自全我
無安石量而乏絲竹歡亦有東山遊髣髴臨斜川展步
涉林澗忘疲恣躋攀且無念百歲聊開一日顏淒風生
巖壑暝色紛烟巒端居集遙慨息慮終閉關

高齋二首

高齋日已暝僚慄霜氣寒倚闌望遠道露下衣裳單入
門復出門躊躇心未安委委池中荷萋萋窓下蘭及時
媚榮景惜我芳歲闌

北風日淒淒中堂明燈低北風不入戶所居各東西隔
河有言辭阻風莫致之雖不聞好音清芳夾路垂

南樓夜歌

日落闌干霜氣幽燈昏鐘鳴山寺樓書帷窗幔下已久
天風新寒增暮愁鴻雁嗷嗷集中洲沙明月高簾露流
思君不見城南夜黃草白雲天盡頭

東山亭子放歌

東山望南山百里墮我前山亭橫絕浮空翠闌干縹緲
臨無地我來氣與霜天高風塵歸後寒蕭騷拂衣枕石
每獨徃埳螳羣笑滄溟鼇百事回頭如舊否一片青山
落吾手倦客重尋岡上廬童時舊種門前柳盡掃西風

萬古愁且傾落日三杯酒君不見謝公高卧東山時起
為蒼生已白首昔時絲竹轉淒涼美人黃土今安有百
年我亦一東山日夕樵歌動林藪

譜牒後書

側聞長老訓諸祖稱豪賢披籍閱往代歎息良復然誠
詞炳星日志氣薄雲天處士及吏隱一一皆可傳淳休
被邑里聲華如蟬聯緬維卜東莊始自宣德年耕稼三
百載風義桑梓前小子恥甘肥食利忘所先惕然從中
懼勗哉以無愆

南樓見砥柱

午僻亭西南有山亦名砥柱

樓外砥柱山几席浮青空神禹所表置高標天闕通王
屋連析城秀色摩蒼穹登樓遙見之懷古心憂忡二嶠
秦壘滅三川晉國雄蠻觸紛鬪爭役役會有窮渺然想
開闢元化觀無終

題東坡先生集

星宿渺一泉漉沆歸滄池黃河天上來髣髴青蓮詞杜
韓鬱崩騰迴風激瀧渚香山放乎海澹澹天無涯餘子
導其流遙遙分纖支蘇公天上人萬丈銀河垂舉手捫
星辰足蹋龍與螭旋斡周四運浩氣森淋漓感心生直
亮體道忘艱危聖刪三千篇劫火燒其遺真宰固有意
風雅將在茲斯文配天命大化需人為何不陟輔相致
民如堯時一聞韶濩音季葉還春熙

道上逢張參首丈

驅車越郊邑落日下馮軾豈不急歸思惜此輿僮力既
夕煙霧生星月互相匿遲回大道傷感舊勞胸臆曠言
更歲華霜雪暗顏色對面始若疑聞聲乃歎息心懸秋
浦西目斷黃雲北相逢逆旅間離別情何極

九女臺北黑龍潭

維南有金焦江間屹不動詎知砥柱東山起挾河縫河
流兩汭汭此山磬而控其北皆連峰排拶故縱送陵岨
臨數仞潭水鬱瀕洞相傳是海眼仰口若大瓮鬼工施
鑿成人力匪所用俛視悸心魂危立仗僦從四山下驚
風崩墜影與共取道青石叢出險衆聲哄此中龍潛棲
禱雨屢則中古祠明月高秋軒發幽夢囊中五絃琴改

調一撫弄

送韓六一僉憲赴桂林

春明門外柳徃徃拂行裝疇昔攀柳時送人還故鄉故
鄉今送人駕言適何方遙發天北隅軒車指南疆居人
戀落日客子懷路長矯矯雙黃鵠陵風各分翔良無萬
里翻何因附頡頏

贈李翰之

吾州隱君嘗樂饑一生高視世不羈西崖古屋蓬蒿衰
小亭晝閑春陰移我時徒步徃見之顏色渥丹霜鬢滋
年近九十心膽竒大書灑墨光淋漓短札細字如毫絲

方瞳炯如巖電垂僊者縹緲高莫追浮北洪崖世難知
吾徒縮手歸來時赤松黃石今可師

偶觸懷故山

道攬輿地圖適見岳神字悲惻從中來潸然落寒淚此
山天馬形浮空勢東至其陽宛迴龍母阡鬱蒼翠兩載
閱晨昏新松常守視悄悄巖谷間曾有萬端思歲月何
逾邁真如過隙駛臨別屢回頭欲去每停轡晝思勞遠
魂夜念驚暫寐時忖所歷山或與此山類忽然覩名稱
感觸心中事朔風含酸辛落日助怛悻恨不如飛鳥疾
往有翎翅掩冊神太傷孤征渺行騎

登屯留城至龍潭

登城秋氣變淒風屢增愁路遠一望鄉但見漳水流漳
水南自去客行北未休寒雁相背發眇眇高雲浮城荒
悵籬落樹古驚潭秋小邑窮歷覽孤征獨屐猶立馬更
延佇應知道阻脩

宿沁州懷吳銅川通政

凌晨涉野流唘呀八澗口林深長木翬埃古立土偶霜
葉得紅梨風條惜黃柳歲物森愴懷關山鬱回首地聞
叔向賢邨云徐勣後舊蹟渺猶存遺風畜而厚懸崖人
散居營窟老相守華榱及鼎肉蕭然此安有仁里銅川
子潔清吾所友夙歡結同心離居念分手重為京雒遊
然諾應無負獨覺感異方鄉心亂已久

六賢堂

下馬平潭驛訪古六賢堂
文堂即湧雲樓 滄陽政寬簡
湧雲 湧雲思煒煌
趙尚書

文獻總文柄 楊趙齊輩行
楊文獻 左司富才藻
雲翼

晚節猶芬芳
元左司 藥城老封龍
好問 鑑湖映末光
李文 四賢既

卓犖堪此一瓣香
王呂名蹟能禁當 王司業
忠肅 山川

景英哲祠宇成蒼涼
士節古所重 此道今凋傷
荒城鬱

茂草倚徙悲殘陽

梅花用坡公次李公擇韻

寒夜凜客心雞鳴車轂動
節往如逝湍光景一玩弄
稍

惜幽窓梅著花破嚴凍
天公憐寂莫物態競喧闐
飛霜

點衣裘風埃暗騶從我生
無町畦昔者每自縱
山澤延

四友竹徑後二仲息景棲
東岡水石獲清貢冷梅圻冰

雪析析柯屢重卧厭短檐
日疎影雜禽哢有時但孤吟

乏供樵牧諷今是寧昔非
當歡忍前痛光寵愧少俊
鞍

馬事上雍未招羅浮魂
但惹春明夢何當十年計
遶屋

手溉種春風吹白日羲馭
不得輶別後綺窓前何人燈

火共挂枝愛桐花蹲池恠
老鳳得如黃葉山灑埽青螺

洞待我花下歸白酒傾百
瓮

午亭文編卷五

男壯履恭較

午亭文編卷六

門人候官林佶輯錄

古體詩

七夕以柳惲流景對秋夕為韻作者錢亮工蔣京
少吳震一方見宗宋稚恭于蓮士兒子豫朋五
首

霜娥垂半鬢清輝寒欲流復此照銀浦影落榆花秋天
人苟無情靈匹何相求况我二三子能不結綢繆
清響迴新飈絕冥倒浮景流盼年光斜數子入眼冷擊
筑今遊燕變徵或歌郢鉞樓人應眠文字坐馳騁
青鵲西飛來承華闕靈對此時東方生矯矯蒙英睠我
本曠書人兼有標禪態心慕王子喬吹笙騎鶴背

玉露未搖落志士懷凜秋清淺河漢水盈盈萬古愁星
明竹含睇美人凝目留思君薦瑤席託興於牽牛
鳳駕歲不虛龍梭月再擲平時掃門人已斷轍蹄迹縱
酒酌清流濯纓謝華劇將子復能來餘歡繼閨夕

贈于蓮士

逢君菊門樓對月滄海頭濯髮青漢邊下視渺九州我
生走燕營意亦陵高秋南行不百里江湖思遠遊蘭橈
帶桂漿萬里橫中流巨靈撐兩足金焦雙拍浮物產必
英異所見何殊尤豈知籬鷄輩不與飛鵬儔美才具舟
楫明義敦山止勗我賢知士攬古光前修

天禧宮古松歌次敦復韻

張公走馬旋風松如騎鶴背陵仙宮青山崩迫白日冷
天驚破碧騰遊龍抓挐霜霧勢律吼劈裂雷雨聲籠銅
太華並根盤后土扶桑接葉橫高穹相傳已自昧年歲
殷栢周栗將無同孤高節目復磊砢落落寧許秦人封
計株四十又加四大荒野陰連鬱葱膠枝交加影疊見
晴雲曉月還玲瓏苔色常濃殆自古濤響不息非關風
千年茯苓此易得便欲劊之誰吾從神訶鬼守語匪司
心旌搖搖曾杵春再拜肅謝愧自責干霄豈辱塵埃中
不見慈恩雙老樹馬嘶羊觸紛西東棲棲盤踞不得地
只今枯榦無留踪松乎託身有如此能令萬古凡松空
日斜杖策陪公去烟村已遠聞微鐘

露涓階望西山懷退谷舊遊二首

秋山日轉佳天清遠峰集蒼然氣高浮薄雲飛不入風
吹縹緲樓對此每獨立徑微忖昔遊松落思俯拾何時
曳芒履未憂露草溼寂寥退翁亭遺蹟渺難及

退翁耕近郊九經騁劇談尺五韋杜曲氣與霜空函及
其棲此山捷徑非終南遊子領微尚幽僻性所耽旅食
走京輦冷眼衝雲嵐青箱王公堂酌我春酒甘王文正公二老
道淪喪後生失毛聃短歌繼八哀冥漠天如藍退谷孫公北海所居

廖生行

廖生文采殊絕倫萬卷讀破筆有神試之有司輒不利
生頌賦亦不嗔為生短歌添酒巡棄置世事談蒼旻
天公居高蓋覆廣豈盡照燭窮幽垠役使衆靈雜鬼物
孽執造化搏鴻鈞轟雷掣雷走風雨鞭驅日月排星辰
妖祥彗蝕猶尚爾况分曹府滋紛綸陸飛水潛山土藏
各有主者如官臣量才大細百失一樽榼采掬寧皆真
生乎與汝在世上直須勤買拋青春我歌君飲休辭頻
萬事飈忽風中輪驥子十齡吾所珍頭白笑我徒苦辛
淵明賢愚挂懷抱不見韓昶譙根銀煩生教兒粗識字
姓名足記堪漁薪何必嗚咿學老子鼓刀販繒亦致身

西山道中作二首

我築晚晴臺以瞰西山故明滅嶺上霞依微巖際樹未
解塵鞅緣遙寄北中趣埤墉仰樵蹤簾閣俛鳥路遊思

娛清暉清暉時一遇川長限無梁彩雲不可度振衣寒
松嶺稅駕流泉處良遊勿蹉跎歲月易遲暮旅行循烟
邨幽探散沙鷺臺高輟迴眺山近展徐步二客儼能從
英流况厨顧既同西園遊時吟晚晴句石欄點筆人空
翠沒巾屨同遊廖芸夫于蓮士

昔與王侍郎

阮受亭

詔並為詩兼徵夙所製君進西山

辭茲訪山中勝因以此卷隨涼風開篋笥山鬼來潛關
四顧舊所歷蒼茫多路歧侍郎既特達拙疾予棲遲山
水自陶寫猿鶴相攀追離鴻過我前鳴聲何苦悲往時
山遊人北宋與南施嘉蒙愚山文采今已矣大雅將在誰荒途
披蔓草空谷羅華滋行行騁遠步言近茲山陞

自聖感寺至寶珠洞西山最高處

迴磴陵虛空秋雲御道長六龍所經處萬壑流神光
半嶺礙河漢列宿方低昂猶未窮絕頂已足擊大荒平
坡名豈稱新額題鸞鳳故平坡寺賜額聖感窈窕陟危徑兩腋靈風翔
洞中雖幽及其外何堂堂雙闕那可辨一氣連混茫碣
石在眼底滄海濱城隍我聞道家說三十六玉皇上有
無極天此山或相當帝都跨嶽鎮頂背孰敢望俛視宇
內山蠟屐可卷藏惜哉近市朝終焉難徜徉樊山一卷
石臨老神黯傷

龍泉寺下院

日隱原上邨秋陰起桑柘杳杳隨烟鐘悠悠遠峰下境

空放梵長天迴飛雲瀉松門晚色靜碧草淨可藉風吹
籬邊花寒香正盈把薄遊涉清曠所歷向瀟灑樂幽抵
嗜芰味道如啖蔗至人患有身矧復簪纓假息心同冥
寥聊此繫吾馬

玉佳菴

商飈振幽厓杖策跨蹊谷翻帳去徑窅何以極吾目稍
上天影開餘翠澹林木高臺秀遠峰日入淨如沐微興
方陶然滅迹向茅屋仰躋青泉流泠泠灑飛瀑攀危不
辭疲留念遲往復

龍泉寺

金銀二泉流乃在屋梁間冷風不可御遠望空雲煙忽
見秋山池映此碧玉環神魚長鬚鬣色異凡鱗鱗日影
布石上魚躍不在淵食葉如樹遊吹氣成花圍狀流繞
砌來吾欲尋其端稍憐松殿側泉眼明微瀾西軒俛木
杪巖徑聞哀湍此泉自遙昔斯人如逝川誰能向杳靄
終掩青蘿關

徑祕魔嵯登盧師山作

谿迴秋風溫徑仄殘陽閃坡陁下高風草木相掩葍填
咽石葉丹山翠疊磨颯流澗波叢林清暉濃於染輟策
稍忘疲駢席不覺險昔人晏坐處苔石無嵯岈狎玩大
小青理至物自感視龍猶蝮蜒蟲豸亦拘檢而我遊人
間所遇足嗤點悵然盧師山觀身老冉冉

碧雲寺二首

寺門臨高橋澗松交其端徑幽室何許欲憇行便姍瑣
細花蒙密駭葦苔蝨緣長欄棲閑雲曲榭縈孤烟稍深
境轉佳靈風來清絲流泉隔篁竹日斜聲濺濺琤琮寫
哀玉迸落如佩環山水解娛人何事歸塵寰

溼雲被層阿餘霞帶前軒夕泉流愈駛林際驚湍奔尋
山欣野宿汲水遲夜餐迢迢漏鼓斷漠漠烟磬昏煩顛
於此息清迴悽心魂風定寒蛸響月黑歸鳥翻匡牀靜
無寐松窓明曉暎

是日宿寺中

來青軒觀紅葉歌

來青之軒颯高爽我來直欲攀蒼穹便因長空溯海月
側身萬里三山東深山晦魄心轉悒假道北寺烟溟濛
晨光小雨暗青笠白雲如絮連遙峰緣溪林木亦瑣細
寒香幽草方葱蘢豁然此軒俛下界千樹萬樹新霜紅
是時西顛實司令赤帝行氣何冲融跨坑駕谷太陵競
金烏避路爭矐矐視之睨眴久不定羈魂閃爍眼力窮
我本看山悵無月豈知竒詭驚愚蒙黃鶴仙人日來往
霓旌火傘紛相從白榆但見露葉墜碧桃不覺春花濃
丹砂布地靈境閔朱顏一笑迴天風

西山歸憇西樵門外雜記遊事

山行意軒然不復肯慵惰同來盡所親幽探亦屢作友
生各有適語默相荅和尤兒學阿爺吟詩勤自課小兒

十齡許能騎駿馬大迴策已如縈歷塊欲揚堞未忍片
輕肥一哂衰顏破草菴具野餐歸路發清餓仁辭山泉
甘頗怯塵羹澆怖鴿晨不鳴蒼蠅晚相過穰穰浮埃間
掩耳但困卧

昭王臺

春風吹綠草歷亂昭王臺空憐天下士祇為黃金來燕
山落日出滄海古人白骨今安在海水東流西日斜但
沾羨酒燕姬家莫問當年陵谷事薊樓明月土城花

輓鄭大夫

振華

建安秀江嶺萬古一考亭天遊羣鸞翔三十六峯青一
峰上巉絕屹若劃巨靈紫陽光日月我公聲雷霆小學
字忠孝大篇文六經舍生取仁義宜祀于孔庭女史並
記載烈烈同芳聲郎君辱齊年遐躅思儀型回首題名
處春風語塔鈴年年蒲柳綠人散稀晨星曹官偶接膝
遺直明邦刑衙餐訊往跡輟箸涕泗零以余謬好古命
我為公銘銘當三熏沐短歌侑神聽

贈衍聖公翊宸

見公問廟檜溯徃徵其形世六十有七二千三百齡元
氣祕柯葉修榦苞蒼青我聖宰萬彙豈獨一物靈不賢
識其小有問辱公聆荅言林多花被徑如籛星記一不
辨九無名但芳馨皆門人土宜手自來封扁惟少杏與
桃此理尤晶熒林端所坐著莫敢擷寸莛菊下略采掇

候過秋上丁積之凡二歲數適大衍零許以當持贈奚
慕堯時莫斯文慨遐邇俄頃瞻儀型公親聖人裔淵角
兼山庭絕學可繼聖為公几杖銘

前山望王屋山懷蔡松年

青山深淺中北壑不一致清晨登前山高秋散幽意千
里如玦環黛色遙相次杳杳數峰間閑雲忽飄墜我遊
王屋山靈境仙所閔君昔從我遊樓隱偕宿志故人今
在否臨風發遠喟

池上晚秋

山池如迴溪緣流時獨往潺潺出石間幾曲聲逾響殘
荷雖已零秋水日夜長間邊木芙蓉亭亭接幽賞波淨
理輕舟取作江湖想

木芙蓉

灼灼拒霜花顏色衆所殊豈不惜芳時乃與晚歲俱天
桃太冶豔野菊何蕭疎感此凌寒姿獨立將焉如

秋曉由樊溪至山園

徑迴水鳥喧寒流隱疎樹風竹覆野橋離披豁幽步巖
柯交日影籬花明曉露池館寂無人雙溪杳自注

雨後至南園

初霽涉南園曉池風寂歷前村雲未歸高樹雨猶滴塵
外體自舒林中欣有適遊目極遠山秋烟淨如滌

遣興四首

牽牛徑人田田主取其牛徑則良不直取牛致之羞螻
蝻與異鵲忘身將誰尤微哉乘除理芒芴不可求
重耳重五賢卓犖霸圖起胥臣賞先茅所貴在得士流
風傳自今齷齪安足擬初矣請老歸舉讐且舉子
前驅射叔武弦高撝秦師見義為則勇功過焉用知嗟
此志士節遭彼愚者嗤別嫌古所戒來日猶可追
嗣宗澹蕩人寄懷特高妙臧否不挂口林壑展清眺蕭
然蘇門生對之發長歎寥寥鸞鳳音千載孰同調

待友

微曛度斜澗暝色赴前嶺石泉激清響風篁澹疎影烟
鐘殷林深山禽宿夜永思君拂鳴琴巖壑渺愈靜

秋懷

寒色起亭臯高樓遠峰集山斂夕曛低窗疎野烟溼畫
欄見木末一葉新可拾景逸情未懶心賞歡何極

自南村徑石院抵九仙臺

紅葉深紅與淺紅濕雲細雨如春濃桑柘半凋柳黃落
三里五里村村同徑轉溪開歎竒絕千山萬山皆玲瓏
誰令巖壑擅異色純以金碧施神工寒烟消歇亦變態
恠石磊砢還孤峰宇內名山亦無數此山如畫展毫素
我聞虞山最佳麗丹崖紺壁儼畫具一峰道人飛仙人
揮染平生釣遊處浮嵐暖翠曉千重玉洞桃花春萬樹
仙人既去亦復還白雲黃鶴遊人間清都渺渺在何許

玉階朝罷棲名山只今畫者誰其匹天高氣清風寥慄
欲攬太空為粉圖消得仙人兩三筆

時携得大癡畫卷

南村

烟中見南村窈眇徑迷舊陟危驚景佳問俗訝名陋
丹砂一林染鳴玉衆泉漱倚巘開荆扉雞犬喧清晝幽
興未云足古道迎隻屨

宿石淙院

山房行欲近半空人不知微逕礙古木青靄來差池鴨
脚寒已亂鳥翼昏相追林開孤烟出飛崖落屨屨巨靈
擘左股元氣猶淋漓森嚴驚鬼物幽險疑蛟螭石坎象
巖益千古垂流淙淙一線長晴雨無盈虧逝者有如
此吾生幾何時

潞州留別送者

相送潞州道別袖屢已揮親賓自此盡徒侶相對稀薄
暮涉漳河波浪沾人衣悲風起中流木葉交加飛四顧
別時跡行塵連夕暉遊子感居人况乃骨肉違我無經
世術空自勞駢駢所願官吏賢敢嗟生事微耕稼供井
稅道遥侍親闈誰甘遠離別遠離還思歸

漚酒歌因玉田益君寄曹冠五使君

易酒甜多雪酒惡見花對月空蕭索前年滄酒貫滄州
長瓶開瀉碧玉流年年泛溢東風蚤臘味輕香不全好
依舊花前又寂寥那能月下常傾倒卻憶連西塞上行

酣歌劍舞出關城，離筵嘗編京東酒。漉酒淋漓最有情，東流溷水行相餞。近海清波淨於練，誰將溷水變春醅。曹家兄弟成歡宴，兄為二千石，小弟尚書郎。錦衣休澣敬愛客，醉卧玉缸新酒。倚朔雲去雁，分飛後回首邊沙。盈別袖，鴛原宿草幾番青。使君朱顏宛如舊，玉田孟君飲者豪，絲繩絡送瓷罌高。東過溷水谿邊路，因風為寄相思句。溷酒歌歌正愁我，今潦倒行歸休。千巖萬壑太行險，焉能致此燕山頭。

對酒

秋山銜落日，對酒黃金臺。坐失萬古愁，朱顏一為開。孤斟快心賞，海月天邊來。連霞隱高雁，吟風空復哀。霜邊野菊色，盈盈照尊壘。含情忽不飲，白鬢紛相催。忘形在濁醪，浮名焉用哉。

東坡和淵明讀山海經十三首，謂其七首皆仙語。讀抱朴子有感，和之。余嘗欲作遊仙詩，因次其韻。

人生醉與夢，去天猶未疎。以茲二者故，終日息吾廬。興至一把杯，倦時或枕書。故人多輕肥，不必迴其車。閉戶長幽草，近市便美蔬。形影互相荅，神明聊與居。暫為生時計，亦豫世外圖。列仙不可幾，吾衰將焉如。至人黃石公，青腫方朱顏。來往穀城道，隱見千萬年。上天下瀛海，遊戲碣石山。遺我丹臺書，肯與世人言。

子房師黃石太華凌垤上辟穀西入關英風渺難儔降
心圯上老俯視園綺流聖道久不作且復為仙游
維南有王屋維北乃洞陽靈仙所窟宅杳杳烟雲長朝
罷金銀闕鶴駕來輝光授我丹竈訣坐待爐芽黃
散遣雙玉童孤鶴生愛憐晨騎朝碧落暮跨歸神山道
逢青鳥使相贈以好言服食飲美酒與子保遐年
伊余恨物感神喪如槁木冷然御長霄墮此深崖谷仙
人憐垢氛為我勤湔浴時乎迫崦嵫悲歌至秉燭
矯矯瓊樹枝羅生玉堂陰丹鳳一來儀和鳴成高林半
空天樂流誰能寫其音翹首虞山下肅然清我心

登真御夢郭頰在日月長當其寂寞時洞天為故常織
女縫裳衣帝厨具餼糧豈特善口體萬年樂未央

生不能追飛復不能投走季布諾千金在世誠無負
硜執鄙吝于我意何有仙人勸酒杯且飲乾勿後

東遊登高止渺然望雲海金堂玉室間仙真一一在青
天絕紅埃一去應不悔丹砂定可成白髮幸相待
淵明真仙人明明凜帝旨太傅才英奇至今皆不死偉
哉東坡公忠亮可蹈履三賢友黃石萬劫足相恃
翩翩雲中鶴下覩漫浪士仙人騎之來物外爰集止百
年雖旦暮小住聊復耳願為仙人鶴鳴和及其子
吾本幽憂人自無磊落才世故豈我願紛然胡為來六
鑿滋挂礙諸天多嫌猜海山非歸處兜率或庶哉

出郭

出郭沙水清野林日杲杲柳眠風弄姿花落枝亦好遠
山森入畫亂紅堆可掃昨日鏡中人朱顏今日老花稀
柳復濃玉壺自傾倒及茲華髮時且勿驚衰早

循西山下夜行達曉

落月欲落山之西綠烟未滅金盆低插天青嶂橫丹梯
林壑窈冥微徑迷臨風悵望神魂悽道轉高橋溪碧沙
堤平柳眠雀啄花杏飄殘雪桃蒸霞我行已到山之涯
東方海雲騰日車

書沈石田山水畫次其自題韻

我拙不解畫亦自喜竒逸朱粉姑置之蕭森此木石放
意寫荒寒棲神遊遠碧染雲山半青落墨葉盡赤提挈
羈旅頻卷舒日月疾署字是何年誰為弔古客

見月

夏雲如水交橫過上有明月新嗟峨我欲弄月乘輕波
青天無梁風浪多陵風一舉君謂何

久雨

久雨殊未佳幽懷况鮮樂愁此偏仄居凜凜陷於淖高
旻停日車積陰連雲駁流霧捲地飛驚泡濺堦闌平土
水數尺窪處在泥窖暫歇還更然檐禽語稍稍稚子總
無憂不能復騰躡排牆慮見及所傷豈斂斲天神自明
聰乖龍失告教吾欲扣上穹微悃諒弗効中夜坐呶嗷

因眠曉不覺

五月十二日重遊崇效寺尋雪公看花之約後二

日阮亭侍郎亦往遊焉以五月江深草閣寒為

韻賦詩余亦作七首

野行不覺遲人影改亭午言尋惠休居豈獨招提古門
前閑草花戲蝶自迎舞脩槐可中庭綠陰欲拾取飄然
紅樓客笑齒粲可數問法離文字吟哦劇何苦斜風見
動旛落日隱懸鼓我亦困詩妄新集編夏五月
昨遊尋東風徑草細綠髮微憐屐齒香散步意超忽青
春歸茫茫幽芳亦未歇曲廊通野園曠若人寥闕古北
今猶存崩剝瘦見骨有似鱗爪枯中心自突兀四邊千
極棗嫩蕊嬌不發報花如報竹素書來一月

書中何所云上云花在椿會當苜蒲節可供纓絡幢下
云梔子林清芬散北窗長謠寄遐想觀止心則降開函
愁細字數數挑銀缸我詩如號郇子男亦陋邗大師鄙
島可居士慕老龐潘鬢已久白安用文如江

文章小技耳吾欲觀其深以茲破萬卷寓我不住心湛
然遺句字忽流天樂音辭之雲在天變化無古今形影
豈一同踪跡難重尋所以自開闢天雲長浮沈我心正
如此萬劫勞相侵雖被世俗嗤或為知者欽

折簡謝見招單車徑相造古殿橫翠微初地長瑤草天
矯槐龍蟠嚶吻竹鳥好顧渚淪泉芳來禽展匣寶因從

學佛閑便欲為農老留客看治瓜飽鄰疑剥棗還坐讀
我書西軒日杲杲何當卜夜闌軟語傾懷抱
寄詩詩如何問花花恐落漠漠塵沙中鬢絲想禪樂別
後秉畫燭橫陳蠟如嚼誰能從老僧破衲鐺折脚永絕
羅綺緣亦無妻子縛又聞王侍郎款門携酒杓諾子並
豪英紅顏矜綽約而我方寂然清風開卧閣
憶昨俯寺閣縹緲高雲端青天琉璃道日暮凝薄寒驚
雷徹眾愚宛紅垂闌干山門揖塵土歸徑跡已殘黃縑
映繡轂憂患如翻瀾幸枉霞上作猶論巖中懽浮艷不
挂眼新詩獨永歎子美師粲可良遊思渺漫

北峯

西山轉北峯城中見尋尺始晴出半岑橫雲帶斷碧畫
如人靜好媯娥露修額紫臺連邊沙紅顏慨遙昔年年
黑山春雪花青塚積羈士心多悲對此成目逆

久雨喜晴懷王顯菴侍郎兼簡阮亭

曉雨送廉纖晚雨迎絡繹歸來困欲卧屋漏牀牀窄稍
聞流泉響樵語間嘑嘑夢裏青山長行盡溼無迹忽覺
失烟霞孤枕斜光射晴鳥引圓吭風櫺轉清盞陰雲雖
解駁書琴久狼籍低徊把君詩吟誦手忍釋不獨銷愁
憂兼亦快夙昔公朝時聯鑣官曹日接席玉山暎頽頽
瑤草起沉癢但無樽酒歡流連展遙夕况逢濟南生腹
笥藏簡冊說書口瀾翻論古人辟易一臺二妙俱我老

壯神鬼風流襍案牘相對未蕭索往來同解署何俟越
阡陌已辦青銅錢共醉慰衰白

六月二十五日

召至南書房賜御書手卷挂幅扇恭紀

金猊踞地龍蟠棟赤霄雲卷晴暉重玉階行上近樹風
小殿開簾褰額鳳青疏斜明飛紫烟封題宛轉光射天
下臣姓名起微陋磨丹親署迹未乾一函三錫煩屢
識恩華炯炯浮長箋臣名上所自署驪珠迸出蛟螭纏
隨毫巔皎若日星麗璇璣霖雨初霽萬象妍錦機匹練
天孫製淋漓御墨香螺漬書罷留題與後人剪刀不
上絞綃織橫書綾以直書更有迴鸞字仰觀再拜千金賜預
恐茅齋破壁寒只應珍襲藏巾笥九華宮扇日邊來楚
竹齊紈次第開明月烟銷香鴨動海天風起戲鴻迴十
九年中被恩遇承顏往往親練素畫筆雲章喜絕倫
涼秋未敢嘆遲暮丹青自古誰良臣終始君恩有幾
人便蕃榮寵今如此恐懼獨立持其身

題王石谷山水清暉卷後有序

王君石谷以畫名聞天下比侍內廷

東宮殿下高其品誼書賜山水清暉四字蓋取靈運詩
中之義廷敬捧睿書以觀欽仰久之謂山人何不遂
稱清暉老人乎山人曰諾乃為賦清暉老人行云
清暉老人王石谷紫鸞曾倚紅雲宿醉翻東華祕笈文

黃塵霜掃秋看綠君不見洛陽郭起先君不見富陽黃
大癡古來謫仙多畫師石谷汝畫天人姿真宰開鑿初
淋漓烟雲欲落神龍隨鼠鬚麋角空爾為九重聞之
亟召見寫圖每覲重瞳面彷彿凌霄夢裏遊不知身
在蓬萊殿承華日永問安迴寶墨書奩次第開揮賜
謝家詩上句知君山水興難裁我聞一峰道人文采風
流世無敵作畫半染君家虞山色壺祖巫咸皆輩行遊
戲江湖不可測相逢夙昔若為情人間石谷留香名惜
哉不以清暉稱誰為稱者午涯生

擬古一首寄林吉人

涿水湛明鏡照我青蛾眉幾回芳樹下蕩漾涼風吹思
君渺銀漢洪濤浩無涯雙星雖迢迢會合歲有期不見
機中人停梭感鬢絲

送廖衡素還雲間

蕭條邊朔心時節迫晚暮以我幽憂居思君在岐路平
生困鞍馬不識江湖處懷情向南雲極目空烟樹繫艇
及流潮春風信來去

送杜遇徐大宗伯致政歸樵李

玉京仙人侍帝還紫清朝別暮丹山長風萬里留不
得明河倒瀉隨潺潺金壺銀箭南宮漏尚書午夜遲箋
奏扶桑弄影海雲生繚繞觚稜夢如舊遙思供奉西清
日詔試與君連第一柏梁歌就賦長楊琉璃硯水蛟

龍筆我愧紅顏君少年相逢意氣凌雲烟白駒晚景真
過隙綠鬢秋霜已上顛詞華勳業鄒枚老曹省功名塞
夏偏簿書往事紛填委文酒風流只浪傳君如阮嗣宗
臧否不挂口我如王無功泥飲欲濡首我留君去天蕭
蕭離心千疊江山高君過長蘆試相訪雞黍近局堪招

邀 謂朱竹垞

巢學士賢母歌

北門學士雙銀魚晨隨玉榻晝直廬有時惠我蓬萊書
開函磊砢千驪珠上言母氏行凜凜與衆殊下言弱弟
賢母教勤復劬朱門貴富世所慕孝弟為寶今有無又
言子之文可以式浮趨子為我歌歌以壽母餘流傳篇
籍無刪除我感公言為躊躇母善纍纍不可以別區母
昔佐夫子惟孝忠不渝公今昆弟升華塗移孝作忠理
不誣參執魁柄爭斯須守母善行為楷模吾聞母言食
君之祿勿使我虞賢哉母言真丈夫青史萬年名與俱
福祿永綏神明扶

廣陵學士北征扈從圖

方花磚影日未紅相逢鸞珮切螭東臣朔空飽太倉米
頗牧驚看禁中蓬山仙官寂無語八窗雲開見下土
清水蟾蜍咽玉壺紫塞胭脂胎卧鼙鼓龍旌一捲沙漠塵
青山黃屋相嶙峋神功如天難繪畫歸來高閣圖麒麟
生綃別寫君年少橫槊簪毫皆入妙衰白對此意飛動

掩卷臨風起清歌

飲酒寄荀少

老至顏復酡飲少興無涯前有尊酒行樂府名最佳呼
童使之歌聲澀如秦娃昔者與諸季樵唱相謹譁別來
四五秋分散空荆紫遠或隔嶺嶠近或踰河淮君往官
湘州湘州水泔泔淥水可作酒飲之寬君懷飲水還飲
酒歌此當優俳

出北郭門贈吳天章

月斜雞未鳴中宵塵鞅間心清不染境眼明惟見山初
日動林景和風吹客顏花枝自冉冉鳥語亦關關城中
幽居者高眠棲闌闌思君共芳草青春偕往還

野亭對酒懷朱悔人

朝來公事罷客心靜無氛頗訝衰拙跡忝茲鷓鴣羣悵
然一樽酒無由舉屬君徘徊且未去為近青山雲

午亭文編卷六

男壯屨恭較

午亭文編卷七

門人候官林信輯錄

古體詩

李厚菴少司馬生日詩

紫陽起八閩斯文振千古夫子繼清塵鄉國近接武流
 風五百年名世天所許伊昔王道微儒冠賤如土紛紛
 霸與雄管樂僅遇主羸火照西秦遺經壁東魯其後稍
 稍出寒芒翳復吐五星聚於井隱見豈再覩濂洛不逢
 時渡江况齟齬得如休明運龍飛當九五歛容陳周孔
 講學佐堯禹奎文移禁中兵柄攬畿輔民有耕桑居士
 有側陋舉封章贊廟謨兼多造榻語梧桐高岡音聲聞
 達九宇五色所披拂德輝蕩羣羽古來儒者流誰及文

明晉會當臨閭闔雲霄灑霖雨天壽卜人歡興歌翻樂
譜公聽旌門外千村連社鼓

送吳天章歸中條壽母歌

君不見太華山前黃河水山前汨汨走萬里崑崙之源
天上來十二玉樓相向開丹山有鳥形如鶴王母騎之
珠繡絡五色神龍班狡狴黃金茸茸顛形垂仙真羽節
從所適小駐崆峒下姑射太華連綿中條長黃河之水
流滂洋龍門結束玉谿古男兒不出亦不處有文萬卷
不求名聊向京華走塵土仙人一笑子歸來黃河十月
冰崔嵬太華不騫為母壽玉女金盃酌春酒

送桐城張相國還龍眠山歌

聞道龍眠山龍眠今不眠白雲從之去縹緲青冥天一
朝噓氣生紫烟沾灑千山與萬川先生昔時此山居白
雲出岫隨軒車自從雲去山逾靜春猿秋鶴相吟呼雲
今冉冉歸來乎山前修竹林山下芙蓉湖水石公釣遊
花鳥公友于曲江荔子噉莫致成都桑樹餘幾株乃知
賢達少儔侶赤松黃石差可夫且如白雲何山無龍眠
之山山不如

朱悔人遊廬山觀三疊泉圖歌

五老峰邊三疊泉飛流三疊落九天誰其觀者前謫仙
後有坡老老並肩邇來千載風流歇空使江山坐超忽
建安已來蓬萊姿矯矯才名又清發見君朗如行玉山

萬里卷入胃懷間手持觀泉圖颯颯天風還燕山雲動
海月出照此令我開心顏欲騎白龍去銀河相躋攀倒
身笑殺五湖水平流淺碧徒潺潺

上元即事簡湯西厓都諫

春山蒼蒼春樹綠月高起行月漸沒今夜元夜月應圓
曉月雖去夜還出我初擊筑北遊燕橫腰寶劍光可憐
行向燕人問岐路易水清流古道邊歸來落日紫烟生
壯心未已白髮驚遙看青綺門前月已度黃雲塞上城
少年踏月瓊樓下清輝照耀銀鞍馬漏水金壺達曉稀
袒履歌筵與舞社只今閉門對月閉門前燈火高如山
忽聞剝啄聲逾靜雲章五色投牋關撫卷摩挲指老眼
頓使少年看月精魂還嗚呼此月萬古長出瀛海裏此
詩萬古長留天地間西厓示使黔集

紫毫筆歌

誰何磊落天人姿手捫星斗騎蛟螭長風萬里上閭闔
玉皇香案親來隨彩毫掀舞墨花落鋪張霞綺奪雲旗
昨朝示我筆精妙法從天授非人為龍跳虎卧勢宛爾
紫貂穎力如熊羆文犀琬象式古雋朱網翠羽光淋漓
會稽鼠鬚少牙角中山兔穎徒毛錐良工市肆皆則效
都人四遠傳流之侍中直廬蒙眷睽奎章雲翰常携
持承恩徃徃賜此筆黃封題字標瓌奇貯以幽蘭歲郁
馥濯以清流開芬滋染以芳松之烟霧跡以端溪之紋

漪邈英側畔青藜閣刻藤鷲絹欄烏絲誠懸心正存矩
獲世南戈法多風儀丹青點染具生動山光水色心情
移寫詩作畫無不適雅與此筆稱相宜無何惠我意則
厚風流文采焉能追生花五色夢特異別管三品書難
窺珊瑚為閣巧安置寶玉在執憂顛危君不見吳興承
旨迹不泯華亭尚書聲方馳 至尊文思高萬古猶憐
二子非同時吾屬幸生休明世公乎努力當如斯人生
遇合豈易得况逢 聖神為君師

野亭懷魏無偽

孤雲隨客來飄飄自舒卷言遵西山行不覺野亭遠微
吟記獨存憶我心所善魏生西山西關河阻幽緬
徐給事虞門宣沙視牧真

邊沙夜靜畫不昏長城不鎖開關門時清歸馬天山下
千匹萬匹如雲屯宣沙千廐尤最盛考牧攻駒得雄俊
誰其典領坐致此臨城長官赤縣令使君今為掖闥臣
風貌奕奕愈有神肯信書生事鞍馬故爾寫真傳後人
更畫此圖著省壁青瑣花驄照夜白就中八尺生有神
恠底龍池飛霹靂

書江補齋太常江山覽勝圖

我聞漾水出崑崙禹所導漾非其源東流為漢走萬里
仙人黃鶴隨孤騫黃鶴樓空逾千載黃鶴高飛至今在
漢水東流無盡時朝發閬風暮碧海青霄宮闕渺何許

身到紅雲窠深處不知經歷幾春秋還憶江山汗漫遊
大別山滄浪水今之畫圖得無似掀髯英盼夫為誰仙
骨驚人見吾子吾子巍巍廊廟姿寄興烟霞聊爾耳
玉宸朝退凝清香江山一片空明裏

九日贈同直近公聲山

玉晨俯清都高處閱九州何暇尋遠山蕭條增繁憂瑣
窓過白日坐對黃花幽兩賢真好我語默皆綢繆始愜
絕紛擾遂欲恣冥搜耳目寡外緣一室安天游翻念登
高人徒令日暮愁

野亭望西山

青山有何好望之開我心我心含虛空豈受谿壑侵奈
此首塵景鬱若交蘆森明鏡鏡匣中清光寧久沈一見
青山色豁然愜幽尋

再哭孟孫三月廿一日

我老夙少歡奄忽遭深悲皇天豈私酷要是業所為淚
流輒復咽焉得成綆縻我生寔愚戆衾影恒自持魔事
與魔民侵陵無盡時此心痛自恨克己將尤誰汝去逾
半載執筆為此辭汝則聰慧人去去慎所之

歸詹事孝儀畫像

鳳鳴時一聞窅窅千秋長飛鵬上萬里重霄閱其光喏
嗟天下士有道不得行丹青貌顏色攬圖神揚揚此中
含誠明可以為世坊詞林枝葉大根柢誰持將風輪激

海水日夜沃扶桑自非此理存斯文得不亡偉哉桐城
公管領翰墨場春雲靄萬卉高議無否臧有時屈一指
詹事傳芬芳昔余知詹事公實告之詳所得副所聞歷
久彌煒煌自聽山陽笛感舊猶沾裳公今謝政歸雲卧
龍眠莊詹事有賢子繭足陟澗崗乞公一紙書細字森
琳瑯上言陳主恩歲月游虞唐下言叙友誼斐然及
文章謂非子一言實至名不彰余昧作者意念古徒傷
徨七哀難可繼一慟有餘傷紀事畏掛漏遜詞愁倉皇
惟賢故知賢舉綱日以張以茲示來哲筆簡情無量

題汪東山寫真

聚奎堂中二十夕闡棘森如背芒刺况復冬烘鬼眯眼
老夫耄矣嗟狼籍座中汪君壓萬夫手握隋珠奪秦璧
文采風流貌有神蛟龍欲落搖空碧筆陣橫掃詞源傾
歛我精魂壯魂魄散若風雨飄雲烟聞君將泛五湖船
衡門兩版畫常閉剥啄過我生無緣我時早出歸在夜
軟塵漠漠吹華顛當歸不歸歸未得君歸卻是當少年
丹青畫出好顏色攬圖對君猶依然我留此圖君不可
回首春時院空鎖君是名場第一人來乎來乎思致身

舟行

舟行迷南北杳杳信所適但見東月生銀灣落帆席回
首軟紅塵車馬倦行役及茲稍休駕涉境喜地僻浮家
欲恣情羈旅畏滯跡遙看江雁過高舉雲中翮逝將跨

黃鶴觀海先碣石

風泊沙河

玉杓指東風聯綿送遠道留帆潞河水冰漸欲盡掃舳
艫行稍遲雲山歷更好微茫平沙流出沒迴巒抱仰視
圓月高俯覺衆星倒六鼇奠坤維四海際蒼昊且欲觀
長江未暇覽絕島從此涉波濤忠信以為寶

放棹

水宿無常程春氣今日佳篙師喜相將放棹河之涯一
自發京輦登艫願始偕復此羨烟景良辰天公排岸轉
捷飛鳥樹過迴奔駟初或礙淨目久乃增奇懷物象雖
有變蘊真無所乖君看六幅蒲何如十二街不動而謂
動長年來俳諧

舟中題李龍眠畫佛像歌

龍眠畫佛誰可摹大等須彌細入無三十二相信有諸
一相本無相乃殊千幅輪文雁王綺紺青宛轉珂雪俱
耳門三昧詎易畫廣長之舌聲難呼平生說法不閉口
一字未說驚萬夫師利再請遭佛詬清涼臺寺歸來乎
居士作詩說法如以詩觀詩堪盧胡船窓水急日已晡
微雲澹月光模糊高卧卷卻龍眠圖前塵分別心不孤

天津北分水處放舟南行二十里夜泊

漾舟今始佳分流波轉急津條近堪攀水華俯可拾落
日滿孤帆餘霞帶輕楫鄙人耽幽懷夙昔寡遊集得此

牛車文苑卷七
稍自娛風景亦屢挹采綵雖不盈臨川每獨立見月仍
尚圓計日忽欲十慎持中夜心無使百憂入

靜海弔勵近公侍郎

公昔侍禁庭惟余日月至桐城解機務 勅蚤暮勿離
無何公卧疾池亭鬱把臂迄今行旅間凜凜佩明義初
發抵津南靜海吾所志仲春九日夜宣召 御舟次大
編換小輪輕風緩遙吹雲月互蔽虧漁燈照一穗丁東
漏水聲旌門屢顛躓 玉音下已久 至尊坐不寐謂
言公慎勤卅載獨勞勤今茲臨故居 天書寫曩願閣
臣偕禮官議賜以令謚嗚呼公精誠更僕難徧記夜分
始回船鳴雞覆奏事 詔曰汝議可文恪標朱字 大
恩濯羣萌露雨灑蕉萃我衰如柳蒲本根幸蒙庇飄飄
玉墀傍葉稀恐失墜日斜龍尾道顧影却欲避春流遶
山溪吾生亦浮寄宿草何茫茫三年數行淚遙酌一卮
酒匆匆絮難漬

晚泊青縣懷勵文恪公

山陽笛裏聲淒斷催人去遙遙河上帆渺渺烟中樹回
首蓬萊宮高話滄洲趣何處君釣遊遠道猶返顧

滄州微雪

河曲連烟邨岾古鬱沙柳蕭蕭蘆荻花猶灑秋風後是
時當春陽潤色上隴畝雲師豈無意滕六初試手微雪
映鶴跡橫霄薄鷁首我行適江海臨深堅所守欲塞湘

止芳不醉滄州酒

望中條懷吳天章

條山蒼河水黃陽城諫議不可作白雲終古空茫茫滄
州已過官河長時清無事容方狎我思昔人遙相望隱
淪更訪河之陽高達夫劉文房二子此地曾頡頏蒲東
佳士吳天章新詩可與二子當此去中條踰千里高才
秀士知有幾吳生相近玉溪邨干旌若責事堪論

論晉中詩人懷天章

摩詰秀千葉柳州儼天人義山最崛起流別自有真上
下五百載遺山接清塵自餘諸作者海山羅奇珍嘗鼎
分一臠已足甘疾膺鄙人老無學松榆私所親豈惟鄉
里賢名與天壤新我初慕聖道矯首思河津緬維三千
篇刪述垂千春大雅久凋喪風流隨波淪昔者卜子夏
論詩河之濱沿洄溯洙泗餘潤沾窮鱗文章寧小技矩
矱存先民以茲慰衰晚奮翼攀鳳麟既得金鷄子金鷄天章齋名
刮眼辨玉珉子居玉溪上義山舊卜鄰况復龍門峻岩
筦臨高旻執鞭今所願參駕豈同倫虬螭與大樹天賦
理則均撼之適足笑安分不失身扁舟阻千里寸心無
由申所期鄉國間詩教還清淳

武城

行行慕往跡况復聖所至此非費武城昔人以名識而
我以其名寫此泝覽意斜陽望極浦風帆渺河涘當時

河未鑿絃歌繞平地雲天故如常陵谷不相似我來情
實耽恐與曩者異觀茲屢怙悵悠悠起遐思轍環齊衛
間西邁見簡子趙氏殺鳴犢臨河阻風義鄙夫本晉人
卅角知醜耻我生謬好古千秋有恨事今此入征途顏
垣傷沙水猶幸一笑留聖目所眇視誰謂沮溺賢滔滔
同一喟

穀城山在東阿東北五里

子房年少時擊秦博浪中亡匿游下邳折節地上翁期
後十三載相見穀城東伏臘祠黃石此義千古雄昔夢
黃鶴客綢繆蓬萊宮亦有山澤約俟我乎河嵩河嵩不
可到穀城訪遺蹤扁舟渺然去但見烟濛濛

觀汶水南北分流處

昨行天津北汶水東流出今行濟寧北汶水西流發西
流來不近及此初蕩滴南北忽分流北三分南七投木
梯試之其數不一失悠悠百年後此豈有牽率緬想開
鑿人用意必祇栗憑之儼有神不置復不溢利涉通湖
江倉庾衛京室盈盈一水間伴我已廿日往路幸相從
溯洄猶未畢有情若汶水生理向君說老夫今老矣往
往情懷惡晨夕亦已久君應悉本末使我飲水心即事
自欣悅

分流水送人北歸

分流水流濺濺行人到此寂無語別淚滴作分流泉我

行南來幾千里多情送遠北河水北河相送去茫茫南
河相迎客路長與君相別分派處春草春花易斷腸

魚臺東境山水

好山過客不知名好水圖經不入選我行魚臺山水間
輕綃半幅平如剪連峰依人行欲近翠嶺橫天去復遠
山青水綠畫新就道人宴坐却掩卷東行若更見麻姑
不問蓬萊水深淺

湖風行

獨山微山東兩湖獨山光淨平練鋪微山宿雨春模糊
侵曉衆陂堆不舒初猶料峭成崎嶇既乃簸揚塵漲途
神靈卷舌帝命敷大塊噫氣噓焦枯誰令如雷聲如呼
揮騰退鱗奔天吳下逮水龍鼉龜魚魴鯉魷鱧鱖鱉

潛形息影四散逋曾網雖設愁三虞行人高卧棲艦艫
守湖使者前相於為言船行牛酒俱益池肉屯神其娛
我謂飛廉益少徐錢帛已空單衣襦葷血不飽甘藜蔬
村醪十日一懶酤神之清潔凌太虛飡霞吸露奚啻舖
我斟河水奠滿盃生民正直神所扶作歌反風在斯須
歌殘雨來帆影孤

迦河詠雪

春寒不歸柳欲催輕烟蘸水如青苔宿麥在隴色自好
農夫荷耒爭黃埃河水沄沄可灌溉我欲手挽東流迴
惜哉老耄身無力雲師風伯多見猜龍公作意初試手

牛車文苑卷七
映空小雨行徘徊土膏沾潤拜明惠縱橫忽訝紛瓊瑰
資清以化本天德夾鐘之律猶飛灰表賀瑞雪吾豈敢
詩詠豐年亦快哉

淮南放舟抵金山作

太行窈窕穿林麓千里相隨到京國我本崎嶇山谷人
泛泛湖河望平陸人生無奈是有情流水青山憶茅屋
十日見水不見山今朝喜見三烟縵船頭低昂如有意
招我紫金浮玉間忽焉江天萬里豁丹青幻出峰巉巖
鷗鵬搏風乍羈紲龍象截流猶崢嶸潺湲灑湧出多寶塔
隨身宮殿忘却還帝釋冥搜巧施設豈同工力煩人寰
廬山面目在山外此山在水尤孱顏天下江山難徧到
得此已足相幽閑故山有夢不歸去江神抵掌笑我頑

惠山泉和東坡追用唐處士王武陵竇群朱宿所

賦詩韻兼以泉水貽桐城先生三首

昨夕發京口不踏焦山蒼今夕過惠山不登漪瀾堂昔
者蘇夫子鸞鶴空翱翔邈然下江海泉水流雲光虛明
見何色清淨聞何香今我亦栖栖塵影豈易忘
水行亦近山清暉相娛人湖江去浩淼巖澗來幽新吾
生亦聊爾與物無緇磷性僻耽佳句道遠泥客塵夜來
濁水珠皎皎凌清旻永言沿餘波猶冀德潤鄰

殘紅亞山坳微綠散林樾夙聞此中泉色味稱兩絕遣
舟取一壺蕩槩烟明滅岳山亦已遠傾水瀉山月眷言

臭如蘭佳處相映發分甌隨清波川行靡定轍

南園贈彭訪濂

我行泊船來胥門銀濤日落昭關昏短衣走馬蘇臺北
迴鞭忽漫思南園南園近在故人舍剝啄相驚喜復訝
開軒掃榻具盤飧二十年中一夕話酒闌燈炮夜何其
月出涼風吹白鬣荏苒海山歸去路淒迷林壑到來時
海山林壑差相似南園閱盡興衰事金谷花凋蔓草生
平泉石散孤雲逝吳越舊國廣陵王此地豪華擅一方
辛苦為園逾一世美人詞客盈高堂前有麋鹿後狐兔
元璠那復蹈其故如今亭閣盡埃塵菜圃紛紛野烟暮
君家結屋數茅椽歸來手種南園田吳中相識亦無數
與君似是前身緣六日淹留不欲去臨行執手心茫然
吾生有涯知無涯為我試問南華仙

滄浪亭次歐陽公韻

清水濯纓濁濯足竭來高詠滄浪篇歐子吟詩跡不到
我今遊目亭依然應知結構存古制故令閱世如尋環
喬木已踈閑弄影禰花交映春爭妍冷梅苦竹亦間發
時有百舌來啾喧蘇君在日不得志精魂此地栖雲烟
我生幸值休明運不應與子相蚤緣嗟予賦性慕放誕
一枕喜遇龜茲仙十洲三島不可望天留老眼湖江邊
公乎避讐如避寇雒陽豈無二頃田嵩丘萬古疊蒼翠
洪河清濟波淪漣賢妻孺子飽蔬食那肯浪用公紙錢

惜哉與時自齟齬凶凶人怒天須憐人生有命天所定
屈申未了還聽天水清水濁源自異如金在沙玉在淵
鬱於生前昌厥後回頭萬事輸醉眠自昔遺臭甘百世
流芳故自經千年我來弔古君識取惡詩不用人間傳

長水道中重題滄浪亭懷宋牧仲中丞

昨吟滄浪詩祇作滄浪觀滄浪見野老語多頻襍亂短
歌欲申寫挂一疋漏萬謂言滄浪亭都堂公所玩公來
活我吳百事費廉幹此亭幾興廢排墻亦畫墁公暇求
古跡文字並堂按悠悠一千年人往亭亦換公曰但因
之勿令滋漉漫作無侈前模成不張彩幔錢財出食餘
奉祿計口算又言我蘇州正賦天下冠賦外曰火耗似
是治與銀不知始何年長吏恣壙斷始初輸一金四三
分兼間後來至七八實重吳人患公曰悉除之無已稍
及半猶然四三分亦可足私便人生堪俯仰何苦慕富
羨大哉仁人言境壤謳歌徧是時行舟急野老相追餞
殷勤再四語春鳩相鳴喚細雨荷鋤去枝詞為點窺回
望滄浪亭旅泊客遊倦請公聽此歌諒不謂河漢

自靈隱至韜光菴

靈隱之峰世所稀天巧不煩人施為誰與妄者久雕鑿
我今來遊長嗟咨藏嵐洩雲故宛爾徒令汝輩尋刀錐
冷泉之亭蹟最古青松危石架可數凍能墮指當炎熱
深始出淵連厚土我今衰頽時復寒對此翩然欲霞舉

為問此泉可飲乎僧言泉水泥塗俱接竹連筒致山水
山上有泉如噴珠徑隨水道覓往路新篁紫籜森扶踈
韜光之寺餘杭無浙江滄海巖前鋪斜陽不見海日出
輕烟遠覺江潮孤江潮海日常時在行人速去山靈恠
仙客何須歎寂寥岩堯自與神明會雪山葱嶺杳何許
渺渺恒河亦溝澮江山歷盡好安禪只恐茲遊不可再

雲棲寺

湖亭賞未愜言尋山寺幽巖溪杳微徑忽見長江流隨
潮送遠目島浪海氣浮天開豁遙想路永生羈愁崖花
方爛爛野竹何修修臺殿稀壯觀雲霞媚林止道人棲
此山了悟空中漚吾茲佩遺教息心將焉求

婁東道中以韻西齋題夏重初白菴圖

行行江樹驕春風誰識秋風待枯槁婁東美人青瑣客
溪外落花紅不掃朱顏如渥鬢如漆亦解人生有衰老
查田居士金閨彥心寄山林事幽討竭來畫作初白圖
不將宴坐離煩惱吳生有文能達觀弄筆吟窗展懷抱
白髮白盡與初白所白不殊見顛倒縱道長安多少年
富貴何須致身早感君清興寓瑤篇一為勞人慰草草
查田漠漠望如雲征途不辨方與阜有似前年鎖院時
看花時節冬烘腦初白之名名最佳白盡尤知白髮好

四月三十日龍見於金山

余月月夕明欲蘇金山傳漏方午餘微波吹江江水舒

靈風歛吸雲四鋪蒼龍挾雨光有無濃靄畫出一縷麤
 自南亘北橫天樞度之十丈長自逾圓徑數尺不可摹
 白雲周遭中模糊我未見龍誠有諸同時見者皆呀呀
 指點似有鱗爪俱倚空流盼爭斯須儻恍自北而南趨
 斂形就小尾不逋搖曳撇簸重雲膚天晴日晶景氣殊
 吾聞龍者德之符感應和氣遊沼湖自從羲皇河出圖
 榮光休至當有虞舜東巡狩龍當塗五彩負卷留舜車
 爾後寂寥栖八虛無聖則隱見不渝漢皇有道來不誣
 及其矯偽分龍豬吾君聖德同古初神靈表瑞盈亨
 衢作歌紀祥徵策書塵埃載筆愧雅儒

與虞良

嗚呼三千篇仁一今尚存宣尼絕韋編於此尤討論好
 古述不作精意探化元我衰才思劣歸老道德源滄海
 不可涉沿流競追奔日暮失津涯賈涕流潺湲吾子誠
 賢哲夙植詞林根竭來二十載風雅方騰騫樂志尋孔
 顏放意遊羲軒願言共晨夕相對各忘言

惠濟祠觀河歌

桐栢之山兮高峩峨下有清淮兮汎濫多浩浩洋洋兮
 殫為洪河殫為洪河兮浮鬻桑走臨淮兮騰維揚使淮
 水其安流兮河弗逆經之營之兮匪伊朝夕烏用白馬
 兮湛玉璧駕飛龍以周遊兮指舊川以為期彼滔滔兮
 來迎澹容與兮河之渚荷蓋兮驂驪登東陸兮遐思攬

日月兮時正中奠四海兮將焉窮

蜀山

廣陵亦屢宿不到平山堂蜀岡如夢寐歸來心傷惶蜀
山山磊磊蜀山湖洋洋蜀山萬丈青城長花明玉洞雲
錦張峨眉插天兩相映仙經地志不可詳此山似是巨
靈開鑿時殘峰斷嶺分携將東置汶田西維揚汶水連
綿浩淼茫灑作雲海東邊窈窕色巘岫噴薄天門傍天
門高高日觀遠我欲登之日已晚此山此湖難久留丁
東玉漏催方舟仙人騎羊跨白鹿雲中笑我來遲去何
速空負青霞賞遙謝紫芝曲朱顏白髮已如斯歸向茅
堂卧幽谷

西齋遊城西南詩三首余見之因亦往遊焉次韻

有作

呂仙祠

訪古悵秋城尋幽快仙閣即無黃鶴飛時見白雲落未
能餐烟霞且欲飽蔬藿天人不可攀三復岩上作

黑龍潭

蕭蕭蘆葦花奈此涼風夕沙水入秋清松雲近潭黑
竭來見海眼神龍所窟宅頻年禱祀稀憫我田畯厄

陶然亭

野水延清暉寺亭豁遠趣煙流鐘隨殷裊裊落岩樹聲
聞竟何歸塵影此暫聚山僧習辟支吾向大乘住

題牧仲冢宰西陂魚麥圖

去年相別滄浪亭春水綠波春草青今年相見長安道
西華夢想西陂好西陂烟水似滄浪我欲從之路阻長
誰料軟紅香土裏勾出雲山翰墨場披圖最有江南意
春月春風滿巾笥五湖三畝未歸人紅欄綠浪經過地
滄浪野老別來久瓦盆醉酒為公壽想見攀轅卧轍情
棠樹村村間花柳藤陰兩株今作家扶桑萬疊影不斜
回憶西陂此時節釣魚刈麥荷有花鏡湖一曲天所資
也待行年八十外潞公未老魏公壯高會耆英且莫讓

因安溪先生寄梅定九處士

待漏院中清晝長安溪閣老來平章公所薦士不可數
宛陵處士尤芬芳梅君好古懷軒唐胸羅七曜包八荒
御舟三日三召對懸河東注河伯忙老笨多時語屢誤
聞此不覺神揚揚又聞日坐玉座傍龍箋賜出星日
光賈生一見便前席劉洎何勞登帝牀丈夫遭遇有如
此稽古之榮世莫比白衣宣至白衣還他年正可書青
史昔我與君俱壯年交親氣槩迴雲天職在論思不能
薦忽忽白首空徒然耆舊飄零萬事畢新知記一不識
十如君幾人王佐才聖朝優老令歸來我今時節已
晚暮江湖魏闕心悠哉人生會面難再得短歌長吟淚
填臆若附音書寄李公為道良時須努力

中條行

金吾將軍八十餘直入延英門上呼中條山人事得已
貞元亦是明天子我望中條思諫議小事不言言大事
延齡奸佞陸贄賢外人皆知天下傳九重深閉不得見
人言不信誰敢言金吾敢言帝肯聽一朝忠蹇回唐天
山人昔在中條久窮達於君亦何有終南捷徑誰爾疑
犀首無事但飲酒泉石烟霞世豈知折檻披鱗時亦偶
千里中條日暮過迢迢回望舊巘阿秦山渭水不可見
白雲青靄空復多

登舟訓別宋牧仲太宰

御溝屬瀛海馳道連大川流漸及晨潮解纜春風前湖
江渺萬里似攬崑崙源巍巍居崇高下念臨深淵羽衛
靜無聲波濤平不諠息慮寡朝謁離羣曠周旋既慙隱
淪樂尚慕肥遁賢別意方起忽贈處昔所敦

維舟懷朱竹垞潘稼堂

河關渺吳越一水行可至吳越有故人天遠浮空翠登
舟夢見之明月照不寐老将歸田廬荒山寡車騎悠悠
川路閑此行上所賜海潮動逸響津樹饒野意極浦
來風聲枉渚蓄春氣永懷期明發旅泊展遐思

河間道中懷阮亭

陶謝吾生晚斯文阮橫流非君展心目千古誰冥搜結
交四十載徃徃異沉浮京洛雖夙好雲山復悠悠及茲
事行役聊為千里遊南浦草未綠青門柳色稠息軌陸

牛車文編卷七
塗疲鼓柁川路幽未愜隱淪想每懷離析憂遠烟生海
樹孤月隱河樓懷人渺晨夕瞻言此夷猶倘惠瑤華音
庶以永綢繆

河間道中劉隨州故里

瀛州百里路五緯生寒芒東有高達夫西有劉文房高
君不坎軻劉君遭訪傷更憐二子名差異無定千秋翰
墨場惜哉二子生同地聲華並羨誰能繼善善欲長惡
惡短况復文章一小技我趁輕鷗刺船去隨州杳杳知
何處可堪蹭蹬向時人得意猶為草頭露寐莫悠悠身
後名為君三歎傷我情相如同時子雲老蒼茫掩卷涕
縱橫

南皮道中和京江先生楊村旅宿與客譚江夏郭

侍郎舊事詩

伊奈侍公下天漢桂舟容與海西岸敢云千里結同心
自顧凌風矯短翰竭來惠我楊村篇孤篷日上流餘綯
清文遶躡引芳音陳迹蒼茫起遐觀昔者遺腹華奎兒
孿生兩兒事並竒楚王無子乃有二何恠悠悠道路疑
楚宗奏上不得入楚王韞章恣抵熾中朝貴人習省事
樂取軟熟誇嚅兒江夏侍郎勵風襟居是邦也行則危
但請勘王跡自白大義炯炯世所知親王不勘是何語
四明一言兼八瘼侍郎竟刺扁舟去舟膠凍水河邊住
妖書告密何紛紛北寺南衙莽錯互金吾緹騎夜如飛

十口孤村墜霜霧百年青簡誰為編
蕉園遺藁猶如故攬公新詠一高歌
弔古懷賢寄興多杜若洲長烟樹遠
相從無奈暮愁何

吳橋道中題劉隨州詩寄查夏重

望望東陽城曖曖將陵樹我慕劉隨州
清詩美無度此地颺蛾眉同生逢妬
婢惜哉後來者耳食狗好惡非君誰
與言佳期不可遇行行已晦月離心
馳永路長川雖暫娛大江欲飛渡故
人來何時春水悠悠去

德州道中寄繆虞良

前年共君來吳地芳草菲去年送君
去燕山木葉飛今年此懷君春帆凌
浩淼燕山在青霄吳地限江表雲中
仙宗出天際黃河派嚴程赴長淮王
事有淹留儻入京口船應泊楓橋夜
南園昔所經高齋榻可下曙窓語烟
禽雜花滿故枝君其尚能來正及前
年時

水宿

水宿谿渚幽晴暉入枕席何異蠟
栖時夢醒一畝宅雲雁去屢遙沙禽
方自適散帙坐清曉塵務罕見迫願
言謝朋徒從此解纓鳥暫陟泰山高
欲訪勞山僻仙人豈我欺我名挂玉
籍縱未證無生亦復往息迹千秋幸
若斯結歡慰于役紛吾慕遠遊沉憂
竟何益

白雁行

我有錦字書欲寄歸鴻語歸鴻入雲
長超忽不可數前

行雙白雁眼明粲可覩寶乘皎潔姿非因霜雪苦一雁
俄後飛單孤不成侶本欲託音書翩翩自無主將書置
懷袖淚落三春雨

南旺分水行

導淮桐栢會泗沂東流於海禹所治趙宋黃河決而南
淮與泗沂兼併之河於中土一大物况挾眾流行恣睢
爾後六百有餘載多為世患達津涯吳艘越舶亘天來
神京陸挽人驢疲偉哉潘生伏下職建言為國陳良規

濟寧同知潘叔正
建言開河通漕運

宋公舉事不漫浪宋尚書禮下采羣策褒參裨是

何老人白其姓厥名曰英超等夷銅壺倒影測累黍玉

歌疆地窮四維老人白英河灣接流二十里北走千里誠一

下却與西北浮雲馳君不見漢漕山東百萬粟更歷砥
柱多險熾又不見唐挽江淮道汴洛濁濤惡浪紛追隨
泗沂實與汶水合禹跡不湮勞川師洪河德水寧有二
細流不擇成大陂古來萬事亦如此短歌微吟風漣漪

次濟寧有憶

漕水向北流春草日夜綠今朝水南下綠草連湖曲湖
波淡淡草萋萋北去南來人解攜臨風欲采芳洲寄歸
雁何由到隴西

仲家淺望嶧山作

言過仲家淺仲廟河水傍嶧山對廟門百里來青蒼影

連初日動勢接春水長遙峰插天漢空翠分岷岡不覩
泰山尊爭長雄東方歛吸亘南戒逶迤趨西疆豁然去
欲無林巒鬱迴翔掩映仲子廟千禩喋相望我茲在川
上漾舟涉微茫前浦行修途未登洙泗堂生不逢孔子
日月依未光扣舷問漁父夕照明滄浪

古意二首

春草隨長陌年年著舊痕教人歸未得且莫怨王孫
單飛不作行單宿不同處記得雙宿時前年舊洲渚

徐州道中二月十五夜月

一身為太虛明月在其裏天邊見明月太虛復如此
仲春三五月宛是前年明明月不改色所見有虧盈
泊舟清口嶺公學士惠以篇什即事有作

淮水生桐柏及此勢屢變金波帶餘霞翠紋迴淨練烟
深色逾澄夜久光不眩滄滄已朝宗滾滾復春見持此
皎潔質得與潢汙薦馳遠意少悵撫景興寧倦一身為
虛舟孤懷託才秀看揚芳風清言發雅倩高文迥朝
列新詩廣篇翰思君如淮水千里纔未半淝水出其側
百里日已宴上窺河漢流下照星宿爛夕靄緝經途晨
暉戒申旦稍知達人心聊同性所翫

渡江見焦山有作懷林吉人

江流近海迎朝暎焦山蒼蒼當海門憶君焦山古鼎篇
勢凌海日傾江源金山樓觀特瑰麗撞鐘伐鼓風濤喧

我行再過焦山下海雲堂中空夢魂茲山不到屢惆悵
懷慙竟踐蘇公言惟我於君亦如此知禰不薦昔人耻
只有思君日夜心長江湛湛東流水

登報恩寺塔

大海漚滅無虛空多寶古塔何獨雄金陵南郭長千里
高標屹立滄江東昔遊不到去惆悵使我情想紛難窮
浮生萬事皆顛錯更堪筋力枯秋蓬眼明忽覩琉璃影
陡覺兩翼搏長風捫星歷斗涉清漢彷彿似已凌蒼宮
吳宮晉代那復道三山二水烟濛濛曼陀優曇灑香界
野花閑草徒蒙籠夙觀勝因悟淨理身雲湧現空明中
諸天龍象亦偶爾豈與人世爭沙蟲登臨浩歌日欲暮
歸途且逐春塵紅

惠山泉

青林欲斲蒼山起山色沉沉出泉水散作清暉百道飛
遠映千船萬船裏急呼雙漿快幽尋清賞迢迢愜素心
溪邊霍靡披瑤草石上潺湲寫玉琴我行吳越千山道
春山處處流泉好玉牀金井紛徒然一酌清泉可終老
山僧知我再來情汲泉遣致雙瓷瓶黃泥赤印漫天下
見此雙瓶信可憑龍團手試清漚發引滿浮空對明月
七椀一飲不盡興夜來少睡心惛惛摩挲雙餅為三歎
我自愁多豈汝怨提携珍惜向故山折脚鐺中煮粥飯

石門舟次

桑葉綠溪陰映我孤篷去飄搖楊柳花千里隨來處及
茲契幽情那得問新故柳條攀更生桑枝亦已附物理
信有常人意莽更互起忽不可尋沉沉戒往路

武林歸舟懷龍眠先生

前年同宿浮玉山海風吹月照別顏蓬瀛縹緲不可到
大江東流去不還今年相別闔閭城寒烟漠漠春水清
滄浪亭上白雲古古人今人無限情歸舟一夜武林道
夢回枉覺湖山好老去那能五岳遊茆檐竹簟自悠悠
不買蘇鄉二頃田不構元龍百尺樓一丘一壑足游釣
摧眉折腰謝年少短歌聽者龍眠公緱嶺仙人獨長嘯

平山堂

我浮大江來迴望江上山山遠翠雅送江去潮復還江
山透明滅暝宿茱萸灣訪古平山堂水竹清心顏遂登
堂上樓江流山色閑是時夏景殊雲峰爭烟鬟歐公千
載後何人共躋攀風流寄欣賞寬簡蘇軾鯨豈惟雄文
字實將激懦頑門前清渠水至今餘潺湲留題渺何處
似有墨痕斑

夢太白五月初六日作

太白天上人入世思沉冥昔過酒樓下扁舟繫客情昨
夜忽夢公千載猶崢嶸花月十年醉聲名一日榮
醉一日聲名非斗高子
康子歲夢中所得句也此義我贈君出處亦甚明年至不歸去
惜哉身後名風雅亦細故所患在有生無生斯無死天

人渾一成餘語不可恚孤蓬急晨征明當過酒樓靈爽
使人驚

魯郡南泊舟寄龍眠先生

龍眠公龍眠公長江與子分帆風君向江南歸我向江
北去別時雙纜解流潮潮迴不到長淮路微生著處如
浮烟那惜飄零限江樹舟中得病萬慮空十日卧渡黃
河東感公勸我舒懷抱有同慧日開愚蒙人生踏地莫
憂老兩脚能行便是好此言未寒吾已踐為樂從公苦
不早泰山高滄海深鳳歌邈矣不可尋穀城黃石圮橋
水千古惟公知此心

汶水舟中寄阮亭

朝發濟水南暮泊汶水東思君如流水日夜隨征蓬征
蓬雖泛泛所歷物象雄遙望秦嶽雲孤撐摩蒼穹瀕洞
出遠岫飄飄乘長風灑然忽歸來星月相腫朧卷舒亦
何心託興將無同尤憐汶水淨清波映玉虹解作西北
流千里浮烟空縱復雜行潦皎潔含冲融低徊赴滄海
意若無成功奔瀛謝衆壑浩蕩將焉窮對此感離別與
子期鴻濛

題寄齋尚書雙松五桂圖

公才天所篤矯矯凌雲姿班朝面槐棘青春貫四時紫
薇間紅藥香與清風吹而我攬此圖霜幹含芳滋喬松
表遐心粹然君子儀嵩高千丈齊百木紛離披下蔭丹

桂花松前開五枝，譬彼芝蘭秀玉樹。連軒墀畫師巧用，
意根葉相猗猗。達人體造物，至德通皇羲。雨過長卉草，
陽回傾藿葵。功宣化自洽，感此動植知。公其佐鴻鈞，斯
理更不疑。桃李豈有言，成蹊如路達。一唱松桂篇，或可
絃聲詩。

蔣南沙宮贊畫紅牆下小槐樹

飄飄塵外跡，清賞寄草木。迢迢紅牆陰，芳樹騁幽矚。天
秋衆卉凋，見此生意足。風葉留餘暄，霜餘濕新綠。瑣窓
展書人，寫生盈簡牘。委身垂華纓，結念同林谷。持畫對
芳樹，宛在山澗曲。

題林吉人北阡草廬圖

草廬之圖雲龍蹲，下見閩海橫。飛翻海山隱，顯走萬里
出。沒日月旋乾坤，開闢以來莫鰲極。漢家拓地秦東門，
自東以南海氣昏。扶桑弄影萬象吞，流球南交可指數。
十步五步如烟村，天作崧高東鼓山。勝槩如此難具論，
林生惟嶽降有神。矯如威鳳初騰翥，德輝遠覽翔欲下。
徘徊返顧西山樊，松楸鬱鬱枌榆古。歲時伏臘陳樽俎，
築堂丙舍兼家塾。絃誦殷殷荅石鼓，漢家寂寞東西京。
二十四帝無抔土，生也北墳四百年。名流輩出繩其武，
君不見劉郎石馬泣。秋風相如凌雲氣如虎。

半日村以詩代書答張麋田

白東谷先生嘗盛稱張門前芝草
張麋田之句因遂守之以麋田

朝謁得幽踪，遠心展阡陌。袖中一紙書，清言想平昔。門

外庶糜田千里在咫尺芝草秀歲寒元氣肖翕闢蘿蒿
因風翻靈根詎蕭械已從白社招孰假元纁辟悠然人
世寬不覺天地窄念子如孤雲託以桑榆夕

尋暢樓詩為吳孟舉賦

南國有佳人高步凌太清周覽四荒外延佇臨層城層
城十二樓一樓何亭亭迢迢若木枝拂我東簷楹銀河
水清淺欲落當牕橫散為三江流下與吳山平還顧蓬
瀛間海月灑灑生登茲俯百川川上月俱明我心正如
此皎潔含至精春月與春風四序相迴縈伊昔邁嘉會
歡言邁羣英容亭載酒時題樓聞令名厥名曰尋暢此
理可服膺別來四十載宛爾歲寒盟松柏千年姿寧羨
桃李榮彼哉塵壒事邈矣浮雲情持用祝耆壽諧之金
石聲

三峽流泉歌為曹鍊師作

惜哉高漸離燕市擊筑徒爾為却笑陳梓州瑤琴椎碎
求人知老夫埋名燕山陲有客抱琴請賦詩自言此中
可度世三峽流泉挂我青桐枝聞公有雅志高枕談庖
羲鴻濛闕元氣彈出七條絲不論高山與流水一止一
壑庸詎竒蓬萊方大可徑到阮公仲容儼在茲何用仙
人赤城杖騰駕自有長風吹是日空堂花落時一彈為
我生顏姿窈窕幽窓語沉沉若有思豁然野曠當簾帷
琮瑋萬馬搖金羈奔厓是石幾千里五丁運斧神工施

飛泉漠漠皎如練，銀河倒下清且漪。楚雲窈窕作變態，挾將暮雨涼侵肌。章華人去細腰盡，髣髴似有猿聲悲。終彈使我再三歎，師今年少紅兩頤。老我衰颯雙白鬢，故山有約相參差。感君古音發妙指，狀君雅調無妍辭。攫深醪愉各有以，鼓琴直可還春熙。

史胄司端尹奉使南海却寄

昔我北鎮奉明詔，東上海樓俯清眺。海水泔泔不滿眼，望遠倚樓獨長嘯。三十年餘一瞬過，回頭頗惜朱顏少。馳驅未盡登臨意，偏仄依然卧蓬藿。今君南海使再行，往事不殊官同調。昔予亦以詹事奉使少壯能為萬里遊，山行水宿向炎洲。黃木灣徑扶胥口，紫瀾碧浪堆陵止。祝融冠冕儼王者，視諸海神如公侯。使星所臨氣晦靄，方饗拱揖若有所求只今。天帝眷四顧，中原黎庶安。鉏耰海波不興，歲屢稔五穀飽。魚鱗休蜃樓，蛟室盡帖妥。實惟廊廟思遐幽，八極大瀛在懷抱。茲海一泓纔浮漚，日歸此意達。帝所精魂恍忽神，先留使者詩盡人間意。入海窮搜百靈閱，韓公之碑蘇公詩如子之才，端可致仙人。託興雖偶然，莫使斯文但游戲。歸來歸來玉座高，直上青天展鵬翅。

青天展鵬翅

